

文苑英華卷第五百七十八

表二十六

潘王讓官

為杞公讓宗師表一首

為定王讓官封表一首

為定王讓兼知司禮寺事表一首

為臨川王讓千牛將軍表一首

為安平王讓揚州都督府長史表一首

為建安王讓羽林大將軍兼司賓卿表一首

為岐王讓太常卿表一首

為安國相王讓東宮第三表一首

代宣王誦讓皇太子表一首

雜讓

為梁王妃讓封表一首

益州父老請攝司馬鄧公為真表一首

為僧普潤辭公封表一首

為道士馮道力讓官封表一首

為郭子儀讓華州請立生祠堂及碑表四首

為杜司徒讓淮南立去思碑表一首

代公主讓起新宅表一首

代公主辭家人畜產官給料表一首

為裴駙馬讓官與父表一首

藩王讓官

為杞公讓宗師表

庾信

世其言伏見詔書以臣為使持節驃騎大將軍開府儀同

三司宗師中大夫伏奉綸言心竄震聳臣聞堯分四岳是

以望秩山川舜命九官是以光華日月必須易儀一作刑以

德明試以功乃可協和萬邦咸熙庶績臣幼無學植長闕

才成鴻都之門不能定其章句鷄鹿之塞無以名其碑碣

憑天漢之派水附弱木之分枝東岳則朝宿有名南宮則

門闌有籍在臣庸劣久知滿盈武陽以功臣之重特拜宗

師東平以母弟之尊超登上將臣有何德能兼此榮臣早

傾廷藝魯未扶墻母氏慈訓哀衿勞苦甫及成人復垂拍

棄几筵如在忍離鞠養之恩終天無報叩地難任欲草土

丘陵終身坐域霜露申履時之感鷲雀展迴翔之心不悟

天澤沛然謬垂提掖當今王燭調和既非金革之世璿璣
齊政豈忘松楸之餘况復一枝蹉曲終危九層之臺一股
岑蹄必傷千里之駕皇帝欽明文思光宅區宇禮格四方
無容奪臣此志孝治天下自當哀臣此情大宗爲師更求
同姓之國元戎叅乘別選能賢之臣伏願覽清蒲之奏曲
允微誠詔鳳凰之池特收嚴召則天慈無濫私願獲從臣
之容身便當有地不任荒悚戰懼之誠謹詣朝堂奉表以
聞

爲定王讓官封表

李嶠

臣某言臣頻布款誠庶蒙矜遂而由衷之請空竭於肝膽
隔下之鑒未察於庸愚集木非兢臨泉罔懼臣某誠惶誠

恐頓首頓首死罪死罪臣歷觀前志詳考舊聞莫不以有
道興邦家不才替社稷漢武帝網羅群士唯佇俊賢周成
王訓迪庶官不求庸保臣行能近淺識性九陋難化之質
非八音所陶不移之愚豈六藝能飾往緣戚屬叨奉恩私
遂得地列齊封門開魯館承敦叙於九族被徽章於五等
今光華始且品物維新三代典章理遵於舊式二京恩澤
宜華於權制方就散秩之革幸沾朝請之流寧可以冒踐
槐廷更增茅土况班彝錫瑞執揆提衡法垂象於三台視
隆班於四瀆實司邦教是曰藩維豈臣餘喘殘生所合尸
忝非臣荒情菲質所宜叨據陛下懸旌訪逸刻象求才朝
有白駒之賢野無黃犢之彥方使思皇多士必明於至公

豈令棧樸能官近廢於親昵臣自審量實所不堪部室之災豈唯於身咎拆鬲之責方貽於國忠伏冀回光歛霽寢綏收綸察臣不移之心矜臣非飾之請特停過誤改命才良則白馬丹書不慙於異姓和羹作礪不逮於允庸無任慙懼屏營之至謹重詣朝堂奉表陳請以聞

為定王讓兼知司禮寺事表 前人

臣攸暨言伏奉恩制一作命臣兼知司禮寺事臣本無操

履素乏藝能憑藉葭莩遂叨冕笏盡龍刻鵠一作鶴非有天

才簪犀紐龜但因地勢鑒空虛微眇之質驗庸闇不逮之

姿素簡神衷豈勞銓叙幸得攀光日月藉寵侯王祿比萬

鍾爵窮五等備梁園之車服司周室之典經朝夕起居出

入倍奉在生多幸於臣已足豈可重叨非據更竊隆班上

虧國章下逮身謗昔漢疇稷嗣將冠九卿虞昇伯夷實掌

三禮奉蒸嘗祈祀之典有匏土笙鏞之節匪徒移風易俗

兼且尊事神祇一作尊天事神豈於允庸所可參議况此司禮分

職見有二卿並在官聯事且無缺更參駑駘之足徒亂鴛

鴻之序伏乞聖慈廻鑒天造曲成矜其慊切之心念其尸

曠之責怡然俯察滯乎垂許則至公之道實弘於聖朝多

幸之災不累於允識無任慙懼屏營之至謹詣朝堂奉表

以聞

為臨川王讓千牛將軍表 前人

臣嗣宗言臣學藝無稱才行兼闕幸得一作延慈蔭遂歷通

班花萼同榮依上林而發彩鶴鴣交賀仰大厦而相歡恩
此丘山效微塵露叨榮席寵荷愧承羞臣嗣宗謝臣嗣宗
夙奉皇明已忝銜珠之秩兄懿宗近承天澤又當執金之
位弟兄齊列伯仲分曹咸典禁戎並叅宸衛匪唯官崇一作
尊祿厚思滿盈而增憂固亦乘勢操權顧章程而自惕况
臣素抱愚拙更纏疢恙牽羸引備竊位妨賢內懷尸素之
慙外負朝廷之謗豈可以多塵聖化久累能官伏乞牧迹
用墀歸骸素里庇堯雲之光彩浴舜海之波瀾擲蔚桃濃
聽南隣之鍾磬茅舒桂滿陪北闕之簪纓食厚渥而忘饑
樂太平而愈疾則涵養之德瞻六造而斯弘覲冒之譏在
微臣而知免輒陳固陋輕贖威嚴授紙彈毫驚魂悚魄臣

嗣宗誠惶誠恐頓首頓首死罪死罪謹言

此篇五百八十一卷重出今已削去注異同為一作

為安平王王揚州都督府長史表

臣某言伏奉恩制以臣為揚州大都督府長史光寵載臨
震悸交集臣某誠惶誠恐頓首頓首死罪死罪臣蒙蔽有
素非陶崇所移磨礪無成豈鑽仰能及斯並久塵聖鑒不
逮更伸愚款陛下降猶子之愛忘具臣之譏乘以軒車佩
以璽綬射榮席寵瞻歲月而徒深結課疇庸在涓埃而莫
取何曾不外慙赤綬內負素餐是以前布腹心辭禁衛之
重後竭誠懇歸殿省之榮豈欲娛志養高實願遺身體國
不為疑作聖情重疊恩旨綢繆更錫隆章重紆顯命刷燕

雀之毛羽束其奮飛飾駑駘之銜轡微其滅沒雖願盡智力而終難勉強陛下宵衣待旦及席思賢必欲無曠庶官克諧共理臣智慙一割政之四科豈足以恭副虛求弘宣美績况三楚舊壤一都之會求言作鎮匪易其人伏願遵尚德之彛躅杜推恩之妄舉以公滅私簡才授職則武皇得士不慙於曩歲文王能官復在於茲日無任慙悚之至謹詣朝堂奉表以聞臣所讓人具如別狀

為建安王讓羽林大將軍兼司賓卿表

張說

臣某言伏奉

集作承

月日制書除臣右羽林衛大將軍兼檢

校司賓卿朝榮對及恩露洪垂整仰驚抃環揆失圖

慙失

臣某

謝

中臣席慶皇寺辱司天衛素官成書久盈人口頃屬

山戎自擅王師震加謬當推轂之禮音空汗馬之績實賴睿謨幽贊靈兵潛討滅犬羊於遼海卷旌麾於燕薊臣得歸功北闕待罪東藩沐沫休脫生死榮幸安敢賣要塞而告勞貪天功以為已又况羽林清禁上則星辰主客命卿下法河海蓋文武具美方議望命臣弊劣所堪尸忝伏乞特廻睠鑒更擇能賢俾朝興薪想之歌臣免代擅之刺非敢飾讓實披誠請無任悚戴之至謹詣朝堂奉表陳讓以聞

為岐王讓太常卿表

蘇頲

臣某言伏奉制書以臣為太常卿兼檢校左羽林將軍虔奉恩命罔寘心顏臣某

謝

中臣託蔭宸極分暉景緯從學多

文苑英華 卷一百一十五
滯不足對於二雍為文益踈不足齊於七步日者自天有
命裂地而封盛亨岐之井邑比從梁之驟駕旋省慙惶益
增忝越不悟前榮始拜後寵仍加且彞倫攸叙百官所以
象物方策不墜二柄所以濟時苟非其才將汨于政况上
卿之任中尉之重自非膠庠告老桓榮列於東面藩邸求
舊宋昌搃於北軍臣何妄庸兼此叨竊類表伏惟皇帝陛
下夙祗圖錄光宅區寓九厥在位喜聖朝之得人獨此曠
官塵霽鑒之知子將何以典司禮樂綜理韜鈴伏乞太陽
迴光慶雲灑澤俯察蒙鄙旁求賢俊則冀受授無失謀謨
有倫無任下情愧悚之至謹詣朝堂奉表陳乞以聞

為安國相王謹東宮第一二表

崔沔

臣某言前累表自陳披瀝肝膽懇誠所守期在不移而天
聽邈然未垂矜納屏營跼踖罔措類表心顏臣竊觀帝王
支庶進以寵私雖假恩靈必詒禍咎親如梁孝尚非正議
所容才同季札猶為長亂之本况臣朽懦將何忝竊且承
先建極當可推恩作範惟親宜崇以正伏願陛下雄畧潛
明皇威誕發燠逐孤胤梟剪鯨鯢上慰祖宗之心下保元
元之命大位既定丕業重光再造四海之基方流萬代之
福至於守噐允屬元良非聖賢無以厭天下之心非典禮
無以為後嗣之法臣地非冢嫡才實昏庸一旦干冒大倫
亂越皇統近為身患遠成國耻將何以措身闕庭將何以
歸骨山陵是用專固不迴繼之以死特希慈造俯垂聖諒

諒察一作謝臣某中臣跡非飭讓言實由衷區區之心敢不披罄

素所蓄積塵黷上聞嗟臣不天一作才夙遭險釁哀憫孤藐

百罹是攻嗣聖之後天步艱難逼迫崎嶇措身無地既冒

儲貳又塵尊極正名罰罪合當萬死忝曰臣子豈所晏安

殞首滅身無以塞責臣某中謝臣當此際之心豈貪生而憂

死誠以身居類表不容之地命盡危疑之辰上適可以增

國羞下未足以明臣節是用冒罪假息忍死苟全尚祈宗

廟之靈庶覩返正之運使臣得退保先朝所命歸死藩邸

之下則雖灰滅良無遺恨惓惓所守神明知之既而天啓

聖期興運伊始明兩出震九二在田臣克遂誠祈獲返舊

國私願雖果而皇猷未忝每以釁萌城社將傾宗稷常慮

奄忽禍出非常夙夜憂惶罔知攸濟幸屬陛下光啓休烈

克復中興長信高居供養有地明堂正位忻戴知安抃舞

謳歌稱慶未已不意陛下復將置之非據迫以奪宗前憂

未忘後懼仍及臣之膚剝胡寧斯甚今天地交泰朝野歡

娛獨在微臣殷憂昭代念及同氣願垂憐察

代宣王誦讓皇太子表

臣某言臣自奉明命累表陳乞懇誠無感聖慈未迴進退

兢兢如履冰谷臣誦誠惶誠恐頓首頓首臣聞少陽之重

嗣守宗祧故傳曰年均擇賢義均以卜為國之本繼奉休

明臣質惟愚蒙未經師類表傳問安侍膳夙乖奉養之規

秋籥夏弦昧於類表齒胄之訓無以上承七鬯展敬竅

素昧

盛內省多慙類表作內多慙報豈敢飾讓未蒙諒察惶怖失圖臣所以累獻封章備陳丹懇伏望俯迴天眷曲遂愚衷臣無任懇欵之至

雜讓

爲梁王武三思妃讓封表

宋之問

妾言妾聞天與才多地居外戚理乖謙益一作不患無位患在寵盈妾亡夫三思頗讀聖賢之書夙知止足之分在先朝錫漢藩之社位垂上台陛下流渭陽之思室嬪愛主常恐官高祿厚福極禍來閨門之談顛覆存戒但以願施塵露之効尚鬱山林之遊詎謂吳楚指有寵爲名父子以無辜同在良以崇高取忌退讓未形事雖噬臍言猶在耳妾夫埋

黃壤子天青春唯知哀訴神明號泣天地妾之殘命稱曰未忘更何心顏享茲豐厚况三思久謀謙退人所未知實恐士庶遊談是非相半既未能辯明高義豈復忍貪吝餘資雖則伯宗已亡獻誠者聞乎奸盜尚冀黔婁宿意見知者因乎寡妻今墳土未乾總帷猶設妾所以廢寢忘食瀝欵披誠未允前祈更陳後請伏願俯矜賤妾遠念幽魂收彼白茅之封表其赤松之節光陛下有任賢之德明三思無冒寵之譏妾之區區意盡於此無任感切之至謹遣某詣朝堂上表以聞再黷威嚴伏深戰越妾死罪謹言

益州父老請攝司馬鄧公爲真表

閻立均

此篇合在六百九卷雜上請門今已移入姑存其目

為僧普潤辭公封表

張說

僧普潤言伏奉甲寅制書以普潤加榮沐秩授邑封公聖
 恩無涯將變枯朽佛法有教誠願住持普潤自剝落壞衣
 五十餘載心不見是口不言俗因誠證業憑禪悟理幸逢
 皇祚將集作特啓大運有歸皇太子逼畏兇讐永懷興復憂
 虞之際一作始蒙顧問貧道起廣救之悲決必成之
 策奉符命之旨贊無畏之心今得衆生又安群魔消伏在
 於法侶所願為多視身本無何功受祿天位有德陛下享
 之天討有罪太子行之豈貪天之功以為己力賣佛之法
 而求身利必若冒榮背律返俗違真亦恐乖陛下崇誠之
 情集作崇失如來付囑之義凡所稱述諸佛證明伏願聖

慈亦垂開領乞停恩授以幸法門無任護戒傳道之至願

謹詣朝堂奉疏陳情一作請以聞

為道士馮道力讓官封表

李嶠

臣道力言叨緣幸會謬奉渥恩隨簪笏之九班列山河之
 三土王言如綽敢不欽承人好惟星願披誠款道力本厭
 囂滓夙耽閑曠潛形草澤不將臯鶴並聞浪性雲霞惟慕
 共一作海鷗相狎十步徒歡於飲啄一官匪尚於榮華幸屬
 聖期謬迴天獎承軒冕之賜列是樊籠踐繩墨之途更成
 維繫尺鷁但慙於鍾鼓鷄鶩空費於牲牢故欲瀝膽輸肝
 誠一作披誠肝一作進款倘蒙却收匪服改命如絲不一作以
 尸曠之交免其負乘之責則物情輿論誰不謂宜如將衆

列疑作

難違微功必叙仍優附鳳之賞遂假濡鹄之衣則望賜以宮名還其道服仲虞懷八座之祿未入朝廷之推列五等之封尚居山藪所冀資此俸秩永脩齊供庶玉清垂貺增寶祚於三光一作元金錄開祥固珍圖於萬劫上隆紫極之統下遂清溪之遊在於微生實為幸甚道力昨已陳請未蒙處分重此干祈伏增戰越道力誠惶誠恐頓首頓首罪死罪死謹言

為郭子儀讓華州及奉天縣請立生祠堂及碑表

邵說

臣子儀言臣得同華節度使刺華州刺史周智光牒稱得耆壽薛遠等將以華州是臣所生之地奏請與臣立紀功

頌德碑天慈曲臨已蒙聽許又得奉天縣令程暹狀得百

姓仇廷珍及僧山海等狀亦請與臣立碑及生祠者伏以

皇家受命祚運延昌雖妖孽暫興而天地終太收兩京之

際陛下親搃元戎臣忝職驅馳躬執鞭弭指蹤逐寇皆聖

主之雄圖靜難夷皂且微臣而何力

四句類表作指踪逐寇幸克有成皆聖主

之雄圖顧微臣而何力

又奉天之役大挫渠魁亦仗天威以集戎事

必欲紀之金石播美無疆理合照宣聖功垂於不朽豈臣

薄劣輒敢當仁寤寐兢惶莫知死所瘡痍之後凋瘵未平

更屬春時實妨農業乞廻成命一切勒停庶老臣無貪天

之責疲人有息肩之望懇款迫切之至謹奉表陳讓以聞

第二表

前人

臣子儀言伏以華州及奉天耆壽等請與臣立碑及生祠
昨已奉表請停未蒙允納夙夜省究一作度不勝戰悸臣某
中謝臣以孱庸謬承驅策雖東征西伐莫顧微軀而保大定
功皆憑睿筭今欲刊諸貞石末播徽猷實為貪天之功難
勝跼地之愧况今兵革未息瘡痍未平忽此勞煩必有妨
奪顧臣薄劣將何自安臣雖至愚深知不可再陳旒袞伏
用兢惶所望聖慈遂臣誠請無任懇迫之至

第三表

前人

臣子儀言臣聞人臣事君稟命而已若君有非常之畧則
臣成佐命之勳象彼四時運行實因於上帝配諸百谷廣
大在宗於滄溟頃陛下監國撫軍則再安宗社及飛龍踐

祚又克清夷狄所有成績首入匪雄圖臣雖在行何力之有
今奉天華州耆壽請為臣地立碑立祠且陛下聖功已書簡
策微臣薄效何足褒稱者又之徒昧於事體謬請刊紀殊
乖名實昨已再表懇辭冀廷誠慊陛下未察今斷來章奉
詔兢惶若墜泉谷况今畿內百姓日益凋殘糧無半菽室
如懸磬以不急之務擾至疲之人竊顧心顏益增靦懼又
比來耆壽陳狀是官吏指麾恐以臣備位台司妄為希附
縱有勤請或非矯飾所祈聖造特遂愚衷區區之誠敢以
死請無任懇迫之至

第四表

前人

臣子儀言伏以奉天華州耆壽請為臣立碑及生祠臣自

揣功業至薄不足以當刊紀百姓至弊不可以興力役歷
獻愚懇至于再三言不動天未蒙允納夙夜兢懼不遑寧
止臣非有馬援南征之績竇憲北伐之功安敢飾詞以陳
謙讓但以兵革不息十年于茲天下之人未獲其所臣幸
備相位尚負憂責頃歲之克復京都去冬之小却夷醜所
有微効皆稟聖謀然未能使其干戈盡銷郊甸罷警北有
亡命之虜西有無厭之戎公卿大夫未免旰食臣幸而獲
宥其榮已多豈可竊功僥名以圖不朽其若千古何昔漢
為霍去病理第辭以匈奴未滅無以家為况今殘孽尚存
而敢播美金石臣雖才不逮名竊慕古人之志所望再效
駑蹇遠斥兇渠三虜之首必懸四海之波自定從茲偃伯

可以息人然後紀功亦未為晚臣以誠願實在於斯伏乞
聖恩特遂勒請無任惶怖懇迫之至

為杜司徒讓淮南立去思碑表 劉禹錫

臣某言伏見淮南節度使王鏐一作鏐所奏當道將吏僧

道耆老集作壽等請為臣立去思碑伏奉聖旨允其所奏內

惟菲薄聲績無聞祇荷恩私慙懼交至臣某誠惶誠恐頓

首頓首臣伏蒙先朝過獎累典方隅頃鎮江都十有四載

數周星紀水旱備經境接淮濱兵戈時起至於邑里粗免

流離非臣所能悉稟聖化在唐堯可封之日奚假吏才集作

師當漢宣責實之時皆承詔旨王鏐與臣交代輒有上聞

况以去思為名慙無可紀之績伏以建碑示後集作有制甲令

聖文苟非至公則翻集作翻蓋貽誚臣伏覽故事宋璟自廣州

都督入拜集作尚書南海之人請刊樂石璟自懸集作讓

至於再三雖勤其文竟從降制在於國史集作舉集作

為美談璟非苟榮人益見德臣才誠不逮心實慕之伏乞

聖慈賜寢前命情非飭讓義在徇公無任懇款之至謹奉

表陳讓以聞

代公主讓起新宅表

六百五卷重出今已削去

李嶠

臣妾言伏承聖慈以妾居處褊狹欲開拓宅北更起新第

恭聞膺旨不勝慙惕陛下骨肉之愛天至而溟深敦叙之

風日隆而月厚乃復推心連萼結念同胞方欲廣沁水之

庭除增常山之版築雖殊恩曲獎惠澤實浸於肌膚而妨

公害私謗訕恐盈於道路况臣妾承靈天妹藉寵王姬輿

服亞於椒宮上田方於茅社甲第之當衢何術並列三區

別廬之帶水連山特盈萬畝深埒則可乘驥驥高樓則唯

待鳳凰常憂暎室之易災實懼滿堂之難守寧可更求輪

奩別構崇深擾閭里之毗黎傾國家之府藏且鬼神所福

常矜於缺隅賢聖垂箴必誠於豐屋孫叔辭良沃之土晏

嬰求湫隘之居妾雖愚蒙頗聞訓典實願歸一作師老氏

以止足自防仰慕周公將逸豫為戒但希安分於容膝非

敢攀榮於潤身且坊為要衝地當貴里畝賃二三十貫居

人四五百家奪其近市之門閭生其破家之怨讟雖下人

之不語豈愚妾之能安又妾之平生每存捨施屈身濟物

心所願為益已害人情豈能處今麥苗雖盛谷價未豐家
少糧儲人多菜色但可勸耕耘之業未宜興土木之功伏
乞俯察愚誠傍詢衆望體東作之尤要知西第之非急牧
茲霈澤惠被黎蒸則天下蒼生孰不欣幸無任慳歎屏營
之至謹遣某官詣朝堂奉表陳請以聞謹言

為公主辭家人畜產官給料表 前人

臣妾等言妾聞賢相防微格

一作林

盈門之車騎通人酌損

忌滿堂之金玉尚子平之讀易富不如貧孔宣尼之立言
奢也寧儉求言故實此為明鑒妾等並承靈坤載荷蔭中
樞或天妹申慈忝扶桑之埽萼或王姬藉寵竊穠李之奇
秀開沁水之園苑賜常山之湯沐榜懸金字分衢離巽之

宮路夾銀河並列星辰之位通秘藉於龍廷之內枉仙輿
於鳳樓之下殊私曲獎以日而繫年縟禮崇徽夸今而邁
昔兼復別隆朝旨猥存家務輿臺供隸之衣食棧廩黍牢
之秣養並迴中府俱出大農聚終歲之儲但憑絲紱供闔
門之費不煩機杼仰祇鴻澤退省微躬生以地高徒竊雲
霄之幸寵非德進曾微織芥之勞何義而虛受渥恩何功
而謬延賞賜是用每積慙悚常憂顛沛敢忘周公逸豫之
誠深念老氏止足之言乞留聖慈俯鑒愚懇使榮無過愧
滿不至溢國邑田租之常料既已豐殷馬牛陪隸之雜供
並希停戒庶得無耗府實稍清朝謗長轂遠馭不逢於致
寇之人高門洞開無法於害盈之鬼不任兢悚愧懼之至

謹遣某官詣朝堂奉表陳請以聞

為裴駙馬讓官與父表

臣某言臣聞善則歸君臣之報主功推於父子所榮親臣本愚賤幸承門閥擢自弱齡得尚公主耀一作宗榮黨何

已七十年成名效能曾未之有得是以昧死旒宸陳情控

告臣某謝中臣聞情隱而言不吐者事君之罪人心孝而迹

未行者事親之逆子臣擢自泥滓起登上第受國之寵負

親之恩情所隱而言未吐者敢奏於今日臣門閥少薄冒

因遺緒父叔昆弟忝列朝班唯臣一身特拜都尉然駙馬

之位因天所封寺卿之階何功受賞富過宗祖榮過棠棣

無德而祿將何以堪臣父正議大夫前太子少詹事臣居

士夙預周行早規陳力頃以天波溥洽許順懸車然朝

先霑已三十載累年効職復十數遷金紫未階爰從致仕

桑榆尚早寔願榮班臣亦何人獨多勲賞臣聞父子罪不

相及而官獨踰於父雖爵因天假不限高卑而官入私門

自多伊愧每用責躬晨省覲惡疑作朝端臣子之情祗所

不忍伏乞以臣在身三品并見在進讓臣父本品降賜於

臣貴得秩祿相次承寵朝聞夕死實所甘心伏願陛下容

臣恭讓乞臣愚懇非直聖朝高孝理之風抑亦微臣盡為

子之道

文苑英華卷第五百七十八

表二十七

文苑英華卷第五百七十九

讓起復

為建昌王辭奪禮表一首

讓起復表五首

讓揚州長史起復表三首

讓起復除黃門侍郎表

讓奪禮表三首

為李給事讓起復尚書左丞兼御史大夫等表六首

為李懷光讓起復表二首

為商州吳仲孺中丞讓起復表一首

為建昌王辭奪禮表

李嶠

臣攸寧言伏奉恩制起臣為春官尚書曲降芝泥俯收草
王承命哀震扣心號絕臣攸寧誠惶誠恐頓首頓首死罪

死罪誠孝莫紀咎殃所鍾過隙永辭倚閭奚望不自灰滅
偷視光陰尚何心靈得齒人類陛下愛結敦叙慈深宴逸
免之苦塊錫以衣簪葭芋之恩飲澤誠厚荼蓼之戚胡顏
以寬况天地同節宗伯是經尊卑共儀達喪有典使臣外
掌邦禮內虧庭訓何以奉宣名教克弭訕謗臣之愚蒙夙
夜揆鑒平居疇日廢職曠官况識亂匪莪情荒植栢寧可
儀刑八座損益萬機虛玷玄猷上穢清鑒伏冀哀其窮懇
惠以至德用伸犬馬之願獲遂烏鳥之情則地義所弘彌
文於永錫人倫所詠實光於孝理無任荒迫之至謹奉表
陳請以聞臣攸寧誠惶誠恐頓首頓首

此篇原在五百八十一卷中今移此

讓起復表

張九齡

草土臣九齡言伏奉去年十二月十四日制書復臣中書
侍郎同平章事者外沮公望內奪私情餘生力微哀怖殞
絕臣某誠哀誠懼死罪死罪伏以宰臣一作相所職贊理庶
事陶冶大和以遂萬物苟非所任有受其殃臣實卑人本
無大用况在艱疚觸緒哀迷矧以素所不堪加之荒塞而
軍國事重翼亮誠難臣獨何人謬居此也退省所有負敗
將及雖願感恩扶力匍匐祇命其如塵玷聖鑒汚辱台衡
於國非急於理虛廢臣比年限役多闕晨昏疾疹之際遽
乖救藥凶諱之日遠隔追攀而星霜未周冠纓載迫是以
庭闈昔絕几筵今阻凡日名教實所深哀伏惟睿情有以

未錫况質言非讓悲歎不文祈天之心惟聖所體實冀哀
素有次喪紀獲終俯察荒迷乞遂情禮臣無任感絕哀迫
之至謹詣朝堂奉表陳乞以聞臣誠哀誠懼頓首頓首死
罪死罪謹言

開元二十二年
正月二十七日

同前

王鉷

草土臣銜言伏奉制書復臣御史中丞餘竝如故恭承睿
獎五情震越臣中謝臣弱喪所生不能自立慈親撫育得以
成人所恨終身號慕無及今纔踰卒哭寧冀生全聖澤曲
流天光特照記臣於苦齒之下起臣於風憲之前知臣轉
深萬死難謝誓將糜粉上答殊私豈固禮經輒稽嚴命但
臣自丁艱夜日漸尪羸糲料形體未堪驅策徒招謗議無
覆紀綱伏乞聖恩捨憐俯矜覲冒容臣歲月抱釁私門稍
能支持不敢辭訴無任感懼荒迫之至謹詣朝堂路左奉
表陳乞以聞

第二表

前人

草土臣銜言臣迫以私情銜血上訴曲垂聖禮敦喻彌深
恩重難移心孤易殞哀榮之極肝腦何酬中謝臣伏在糞土
之中苟偷朝夕之命殊私荐及特蒙收獎授以風憲委以
澄清臣雖至愚豈不知天慈所屬使臣即蹈湯火若登雲
霄安敢固辭輒拘常限但緣荒瘵忽忝衣冠自審殘生必
招官謗謹冒死重請不勝戰越無任哀懇荷戴之至謹詣
朝堂路左奉表陳乞以聞

同前

蘇頌

草土臣某言伏奉恩制授臣銀青光祿大夫起復行尚書
 工部侍郎勳封如故制書俯臨荒怖殞絕臣某中私門不
 造殃罰所鍾遂延先臣永辭聖代陛下飾終念舊事光前
 典臣孝誠微薄不自滅身幸忝大臣之胤假存主祀追惟
 慈父之恩不可復得痛殷創鍾豈冀生全臣心欲言言不
 忍喻陛下孝理天下俊乂在官恤臣遺孤加臣寵命非臣
 舉族少能謝天誠以吉凶典禮朝廷大政喪親執喪人倫
 為極使臣廢禮於心極冒榮於喪紀虧紊過甚將焉用之
 况其不任孰可陳力抱蒙窮懇理殊他人匪直悲深名教
 實亦感增存沒煢煢昧死罔知所裁伏乞聖恩垂寢嚴命
 無任荒迫之至謹詣朝堂路左奉表陳乞以聞

同前

厚狄履温

草土臣履温言臣行迕神明禍歸先父日月未幾苴麻未
 變伏奉恩勅授臣駕部員外郎克朔方軍判官詔書臨門
 匍匐廬次捧跪驚骸號纏痛絕氣殘毀容臣今殞越伏以
 滅性非教逃天莫由敢祈孝治唐少察哀訴中謝臣門緒單
 賤本無兄弟惟臣一人鞠育鍾愛幼在隴畝輟臣讀書家
 貧本無僕役柴水為資一作臣在師氏父常有勞束脩資
 費母亦勤績訓誨之漸明時忝官唯資以榮過此無報豈
 謂祿養纔及殃釁已深所侍老母風氣仍積每臣崩摧撫
 對增病臣稍用割哀就一作禮間哭承顏若乃一作暫離

母亦難保且祠祀無主几筵何依臣之憂酷特為尤甚逮及秋季始至小祥苦廬尚新墳土猶濕聖情何忍令其輟情顧惟形骸實污冠冕臣又近染風疾似因哀瘞語事便忘居常輒驚以此從戎必不堪命伏乞憫臣艱疾察臣孤獨卒臣喪服矜臣母老則生人之本盡於哀敬國家淳風載激流俗無任荒懇

讓揚州長史起復表

李朝隱

草土臣某言奉親無狀禍降私門窮衰殘喘不自殞滅朝夕苦塊纒經半年伏奉四月十八日勅書俯奪情制授臣揚州長史荒情震怖悼心失圖臣某中謝臣險釁不滅才術無紀往因叨遇頻升榮秩裋裼青紫罕裨塵露今乃寄以

維揚位超列岳非常睿渥勿忘霜朽察尚敢冒哀陳款實以私志未終且臣亡母在猶蒙曲澤憫其羸老抱疾不任隨臣之官有命自天數令歸覲受恩未幾此禍俄鍾上既不盡天慈下則未由就養今復號哭無位奠酌莫親有倍哀情重增摧苦况臣之在疚尚未小祥遽此復官殆無其例臣今扶力自曳哀惶詣闕伏乞賜停權奪許以終哀則微命偷生終期報國倚廬過隙少答允懷無任窮懇之至

第二表

前人

草土臣某言臣在艱疚遽蒙榮獎曳體陳欵冀遂荒誠天貺綢繆未蒙哀一作許進退狼狽悲惶殞絕臣某中謝今臣窮噎豈暇多喻所不殫一作言敢以陳冒臣自少不幸先

臣早世唐諱亡母養訓謹能成立昔處微秩其旨不克及忝
大官臣親已老從官或遠不任扶輿十數年來每適左右
以臣長子常恨不見積此憂憶遂成沉痾是臣不孝莫慰
母心追惟及此五藏隨裂且母尚憶臣以成病臣豈可變
縗以就榮新穀未升便起如故則臣何力以負斯咎何心
以忍此痛何庸以承孝理何面以對吏人又臣先患風緩
頃加心疾觸事迷錯鮮能行步臣平日無釁猶不如人今
庭疾轉侵朝不報夕仍今處事恐辱所委徒紊藩條必不
勝任以是冒昧不測仰天重請望輟前恩以全餘息忽不
聽臣血淚俱盡死亡無日無任荒迫之至

第三表

前人

土臣某言昨拜宸嚴亟陳哀懇荒辭謬理不足感天
恩賜如初又今斷表臣知萬死豈合觸冒誓卑窮命更披
肝血匍匐下迷悚懼失據逼迫碎首不知所陳謝臣既自
傷早孤墳塋未立母因臣成疾以至於亡殺身何瘳昊天
罔極母終日近遷柩猶闕臣病危殘懼不克葬故欲偷生
忍死冀遂木情服勤墓側以畢封樹不謂殊私忽降委臣
藩岳累有懇誠天恩未許事君違命罪在殊刑喪親靡終
期不覆載去就無屆幽明受責雖大和所容而莫知所擇
且臣先患風緩今已積年往年任大理卿於朝堂悶倒困
殆良久朝臣共見自爾已來數數發動及丁艱酷此疹彌
加每常一發累日一作月不起心緒煩迷若喪若失更令處

劇形必不支窳窳闕營壘則倍苦心形俱極死可立至若不具陳實理便成欺罔聖恩送終莫從郡務不舉無益於國兩罪何逃殘氣泯焉誰執其咎特望哀其巨痛救其將死知臣無他直以衰病惜臣微喘使延晷刻嚴命少輟情禮得終非臣最爾所能上答臣今哀辭窮極莫可告訴皇天后土實鑒臣心前後所上無非至切敢有片言假託詭露虛妄天地鬼神當共夷滅臣身以謝陛下恩遇之重魂爽震越不知所忌無任懇苦之至

讓起復除黃門侍郎表

張說

草土臣說言臣私門凶咎喪紀未終不自毀滅苟存聖代忽降制書復臣工部侍郎尋奉後命授臣黃門侍郎震駭

集作

失圖哀怖殞絕臣說誠惶誠恐頓首頓首死罪死罪

臣弱年早孤母氏訓立得紹基構忝列簪裾從官歷年晨

昏多闕播遷遠裔離別

一作

又苦顧復無答報養何追心

所摧感語不能喻甫至冬中禮及祥禫今已春暮瞻言幾何是臣事朝廷日長戀几筵日短乞寢嚴命許達私情訴衷祈天所望矜遂無任荒迫之至謹詣朝堂路左奉表乞哀以聞謹言

此篇六百一卷重出今已削去

第二表

前人集無

草土臣說言臣在疚承榮布哀陳款精誠無感天睠未迴假喘殘生悲懼轉集臣說誠惶誠恐頓首頓首死罪死罪

臣聞苦者不覺聲哀窮者貴其言達情有至切辭無敢隱
臣為少子慈愛所鍾每一離別輒加憂憫况臣生年多故
遠隔私庭終堂之日身限公事存既數遠左右沒復不畢
几筵痛心自傷特殊人類臣今望延數月企及再期乞恩
無多報國非晚冒死重請冀蒙哀遂無任懇迫之至謹詣
朝堂路左奉表陳乞以聞

第三表

前人集

草土臣說言臣荒喘窮情再黷旒宸宸一作懇誠不到未感
天心誓將冒死祈恩分外謝臣本書生門非代祿數葉單
緒族無親房臣父遭憂曾祖未葬臣有兩兄一妹甥姪九
人又有中表相依尚成百口吉凶衣食待臣以辦臣今拜

職一作黃閣侍奉丹墀厚祿清班一朝改官舉宗榮賴為

幸過甚人情所欲豈合稽恩正以兢兢苦心有所未盡臣

亡母在日朝夕誠臣以臣獨立無從好直多忤知子者母

果驗所一作言往罹大獄竄命炎海甚出晚歸貽慮非一

况涉危難傷心幾途追計生平倍增摧慕侍養日少遠離

日多即一作臣母憂臣以終身臣其忍服縗以從事情既

不同常例望在特降殊恩一作臣先患風緩近加虛痺陛

下倘從臣數月容過并莽非但寬其哀疚固亦全其生理

亡身報國庶竭後圖木植一作有性枉之則折人願在心

違之則苦雖強一作為用將何以堪銜泣仰天冀蒙哀乞

無任懇迫之至謹詣朝堂路左奉表陳乞以聞

此篇六百一卷重出今已削去注異同為一作

讓奪禮表

吳競

草土臣競言伏奉去年八月十後編有日恩勅追臣赴京

起復尚書水部郎中依舊兼判刑部郎中知國史事聞命

驚號心手無措臣競謝中臣行負幽明禍延所怙一作銜哀

茹血五情崩潰卜隣之訓永慕不追陟岵之感窮冤已及

但心同木石未能自死豈悟後篇作謂皇明旋加碎命且

臣聞在家稱孝居國必忠苟違斯理實虧禮教焉有躬嬰

荼毒而跡忝南史首代苦蘆而名叨東觀將何以發揮帝

典褒貶人倫定一代之是非為百王之準的臣不敢遠喻

前古廣飾浮辭自近歲以來起復者則有御史大夫解琬

黃門侍郎張說工部侍郎蘇頲皆訴哀陳款特蒙矜遂此

實成例竊敢庶幾伏願陛下敦孝理之風全通喪之典追

收綸渙俯納懇誠許其畢疚私庭終服凶次獲申負土之

禮用展攀栢之悲則雖死之年猶生之日無任荒迫之至

謹遣臣大學生終奉表陳乞以聞

此篇五百八十一卷重出今已削去

第二表

前人

草土臣競言頻表乞哀誠辭已罄未蒙矜亮獎喻彌切鞠

躬周章倍增號震臣聞自昔墨縗本因丘章權宜變禮不

為文儒後來浮薄罕存喪紀事匪軍容亦從權奪陛下休

明撫運景業惟新伏望革近代之澆漓復先王之至德况

史官之任爲代準的若苟虧情禮輒徇恩榮覲目強顏操
簡書事適足玷聖朝之孝理何以樹終古之風聲特乞天
慈少加矜察使畢情苦菜少申悲露則天地之恩實爲至
厚臣子之道幸此克全無任懇迫之至謹詣朝堂路左奉
表乞哀以聞

第三表

前人

草土臣競言臣去九月一日冒死哀訴冀得終服私門天
睠猶邈未垂哀察跼影窮號罔知自寘又奉十一月二日
勅史館要才須從權奪宜令州縣敦諭發遣者伏對崩號
觸緒屠裂臣某謝臣孝虧誠感奄遘憫凶瀝膽銜荼崩心
茹棘厄骸殘喘豈冀生全天澤曲私屢加奪命令居史閣

是掌記言臣昔忝此官十有餘載才輕寄重答效無施未
能褒貶有章使人偷知勸典暮大訓與日月俱懸即微臣
平日其曠職如此今心形墮越荒疾失圖寧可重處南董
之司頰叨班馬之列實貽貪祿之咎更招廢禮之辜顧視
等夷何施面目且三年之制貴賤同遵四時之悲几筵是
託乞歸身苦壤趨侍松塋旣不負素心亦不玷皇化干黷
已屢伏待刑書無任崩迫之至謹詣朝堂路左奉表乞哀
以聞

爲李給事讓起復尚書左丞兼御史大夫第二表

獨孤及

草土臣某言臣昨以哀瘵愚懇昧死上陳冀回日月之光

曲成螻蟻之命集作伏奉丁酉詔報未蒙矜允捧讀聖旨

五情殞絕謝中臣伏以適四方宣王命之任必擇職位素高

聞望炳著學能專對有餘力者以充其選臣以宗室末屬

妄荷寵命推集作才與知俱不如人况今衰羸殘喘加以

病苦支離沉瘵歷夏及秋終日不過一食不杖不能自起

自料若力疾祇命適數千里雖欲自強必中道委頓爾書

詔旨廢失是憂臣伏見廣德二年七月赦書罷天下起復

之官俾集作終喪禮此陛下孝德過於雨露集作然渙汗

之發率土霑濡集作豈獨令臣隔在赦外又尚書右承會

府之樞轄御史大夫天下之準繩宣慰巡撫朝廷之大寄

今臣授此三職而以起復為名因臣過舉破陛下德集作

今使百寮師師何以取則臣夙遭不造備生人之艱官始

一命先臣棄背養母鞠育至於一作成立遭罹二京覆沒

第以宗室見害臣惇然茹痛獨待板輿備嘗險阻莫及榮

養纔擢掖垣慈顏遠代罔極之痛終天莫追今靈筵未塵

墳土尚濕遽命集作臣荷金印之寵處皇華之榮使總帷

廓然奠祭無主此恒情之所不忍也陛下其忍之乎伏乞

聖慈曲臨皇明下照矜臣哀集作瘵察臣不逮更擇時彥

授之使職許臣得以骸終其長紀實天地之施鍾於臣

身倘殘魂不集作滅集作質川委誓當摩頂至踵以答

聖造臣無任哀瘵懇迫之至

第三表

前人

草土臣某言并以微伏閣請命綸言累降天聽未廻仰戴聖情俯循哀感心懼又迫悼心失圖臣某謝中臣才能不

及中人且未嘗有毫髮勲效陛下不以臣不肖特降殊私

授以驅馳之任賜以親賢之目臣且匍匐奉詔戮力將命

寧敢矯禮為名以讓自飾顧臣羸瘵奄奄行步支離力有

所不任用有所不逮風憲重任也宜撫大典也誠恐以疾

墜天集作王命隳使職負陛下所舉以重臣之罪方今濟濟

多士盈於朝列陛下捨而不集作勿用而拔臣於苦蘆之中

必以臣守職集作智職為小有可休臣之他日猶不如人況今

庭劣餘息方寸紊矣焉能為陛下震揚休命覽觀風俗躬

自惟忖知不勝任是以拳然丹誠猶冀識察陛下仁聖孝

勳類海內豈令善貸不沾身敢冀殊造俯遂微

懇則死之日生之年也臣無任哀懼之至

第四表

前人

臣某言一昨臣以哀瘵叩奉恩私封章三上不蒙矜允猥

以羸繭之質謬銜出疆之命賴陛下威靈免貽咎責復得

待罪朝廷集作拜首拜首集作仰荷天恩集作俯慙靈祐

臣謝中頃陛下不以臣駑劣特加寵渥者豈非知臣屬忝宗

明曾奉使河朔謂能闡揚天上遠方而尚書省材賢

如林庶政必舉陛下垂拱群臣固不假臣以區區之

力重尸省闡明矣今將命既復示解敢恃皇眷輒復

陳乞臣莞然在疚獨無兄弟淺創鉅痛甚且又疾

集作病四體支離重寄榮遇人所欲力有不任豈敢虛

受此臣所由拳拳不已有望心臣伏以三年之喪

未足申罔極之恩先王制禮以節人臣本喪未及集作

一年奉使已歷三月若假國家口食陛下祿俸是臣

亡母於臣有終身之愛而臣於亡母無數月之報先聖以

孝感為號陛下以孝德格天錫類之恩宜及海內今寵命

一降使臣有不孝之日子而不孝臣亦集作不忠不孝不

忠人所當棄豈足為陛下操持綱轄彌綸憲章臣之頑固

猶知不可况天下僉論朝廷與集作議乎伏願許臣免官

遂臣私志儻終喪紀尚有餘息誓當摩頂粉骨以答殊私

臣無任

第五表

前人

臣某言臣去十一月某日又詣銀臺門上表陳乞集作至

今積旬未奉恩旨屏營無地哀惶疚心臣某中謝臣最爾朽

質叨奉明恩違天固辭豈不知罪實由恃陛下蒸蒸之德

故敢守臣子區區之意伏以忠孝之道禮生於情資親事

君愛敬同等臣生處聖代齒力未衰致身日長效節途遠

獨慈親遺棄永往莫追先王制禮居喪之紀有限昊天不

弔欲報之德罔極而含哀茹痛緘衰日月九字集作而恃

集作寵于貴雖欲僴俛從事使臣何以為心蓋三年之喪

金革無避自魯公伯禽晉襄公始也實以徐戎秦師之役

有為為之非是則否故孔子對子夏問曰以三年之喪從

利者吾不知也今朝無徐秦之難臣非金革之任竊陛下
名器是從利於喪也食稻食錦之責捨臣誰歸凡曲全萬
物使不失情集作性天地之仁也鞠育嫗煦知寒熱疾痛父
母之慈也蕪仁慈集作二字而有之明君之惠也臣是以又持
惴欵昧死上言竊希天父之恩不奪臣子之志泣血待罪
惟陛下省察無任

第六表

前人

臣頃頓首昧死詣闕累陳情狀肝膽悉已披露懇誠冀蒙
識察于今浹辰德音不下實由臣辭淺意陋無以動天哀
惶失圖跼蹐無地臣某中謝中臣雖親忝葭草才實駑鈍位忽
過重集作量恩亦加等宜竭勩力仰酌造化豈敢飭讓自言

企禮顧望嘗聞上有至仁之君則下無失性之臣一作人陛
下以蒸蒸聖德格于上下故臣以哀哀孝思敢辭寵榮一作榮
祿陛下豈忍抑其微誠假令臣損情變禮陳力就列亦猶
雙鳧乘鴈何補江海况敢貪不次之寵遺罔極之報因喪
從利以哀為榮此臣所以屢黷天威望廻卑集作宸聽懇懇
至願形於累表拳然待命惟聖慈察之臣無任

第七謝免起復表

前人元集

臣某言伏奉某月日批勅矜臣荒涼之情許以殘喘終喪
使奉几筵獲展哀報陛下誕敷五教惇叙九族以臣屬忝
枝葉哀纏蓼莪故恤以皇慈使及於禮天地之意曲全人
欲日月廻照下及苦廬伏讀詔書感懼交集仰戴聖造若

蚊負山屏營瞻奉惶悚殞越臣無任哀戴之至

為李懷光讓起復表二首

按舊唐書李懷光以大曆十三年起復獨孤及神道碑大曆十二年卒今英華以此二表為及所作而本集亦無之疑誤隨前人名氏

草土臣某言伏奉某月日制書起復授臣某官兼某使捧對恩命哀號失圖微臣夙遭凶釁幼集荼毒亡母鞠育驟歷暄寒三十年間勤勞備至俾臣習武教臣觀書丁寧懇切僅至成立自逢昌曆累辱驅馳待罪朝行或申微効皆母之訓以及於斯凡在革列莫不知委而久從王事靡有定居晨昏屢違拜旨多缺則臣之於母所負實深扣地呼天萬恨何極伏願察臣哀迫許臣終喪少申子道無華企及無任迷謬崩迫之至

第二表

草土臣某言一昨具陳哀懇冀蒙諒察旋奉墨制有阻微誠精魄震蕩五內分裂中臣為學至淺昧於禮經今冒死上聞實私情懇迫臣年未弱冠即罹閔凶終鮮兄弟惟臣與母零丁孤苦繼以窶貧衣食所資悉資紡績比臣從戎朔漠漸列軍行適遇艱難累經戰陣北出恒趙西趨鳳翔或往鄴下或留河上臣母別臣憂成疾禪誦之外涕泣終日形貌支離殆於骨立及兩京既復九方攸同臣在邠寧粗申力養豈謂無狀速禍殃罰所鍾深顧起復之恩永負劬勞之報興言及此摧心痛骨則臣母於臣異於常母臣之於母不逮常人誠合服縗廬墓以終餘齒豈可忘哀

徇祿所務從權此則天地不容名教所棄伏乞納臣窮款
矜臣血誠俯遂愚衷許終喪紀倘殘生未泯子道獲全必
當竭力他年以答玄造雖復殞身鋒鏑死且無恨無任荒
迫之至

為商州吳仲孺中丞讓起復表 于邵

草土臣某言一昨瀝血上聞乞停新命聖情未察鄙志莫
申捧對天書載崩載殞臣某中臣聞忠孝同道君親一致
為子能孝為臣能忠苟或易茲固無所取臣幼多疹疾氣
柔形羸臣父閔臣臣疴瘵特所鍾念一飯一藥皆自躬親十
有餘年方至成立及臣委身戎幕効職塞垣頻歲驅馳頗
乖視膳自授任中於漸列班行始遂晨昏獲申祿養豈謂

星霜未幾殃釁遽鍾拊心擗踊萬恨無及倘遂臣請得終
禮制其於子道所負猶深如或遠別几筵苟從職事此則
禽獸不若名教所無於家尚然於國何有况聖恩一昨用
臣之意本為子儀奏聞當以蕃寇憑陵遠慮河中危逼謂
臣舊將素習兵謀遂用起臣使當金革危難之日事或從
權今郊壘無虞妖氛殘滅以臣直經更齒衣冠自顧形骸
實慚面目伏祈玄造許以終喪殘喘餘魂死將不朽無任
迷謬崩迫之至

文苑英華卷第五百七十九

又苑英華卷第五百八十

表二十八

辭官一辭官表二卷英華所編失年代先後今正之

為金吾將軍陳令英請免官表一首

為宗監請停政事表一首

為王起避諱辭澧陽縣令表一首

為定王請降王位表二首

太陽虧為宰臣乞退表一首 辭官歸滑州表一首

為董江夏乞退表一首

代于京兆請停官侍親表一首

為金吾將軍陳令英請免官表 武后 陳子昂

臣某頓首死罪死罪上言 臣 聞軍政不藏春秋責師故揚

千之亂魏絳致戮所以國有明賞下無濫功臣實集作幸以常

才文武兼闕始年類表作十八投筆從戎類表作西踰流

沙東絕滄海南征北伐無所不至藉集作寵門緒忝迹軒

墀屬高宗崇德深仁孝理天下八字類表作以臣父子

集作祖父兄弟一門五人皆仗節盡忠身死王事遂超臣不次

授原州都督臣時行年始四集作十二職兼五印寵集作

絕一時階緣此恩累忝藩翰持節統郡集作前後八州皆

居塞垣當賊衝要國之重寄莫與為集作比臣雖無長策

恤戎伏胡然恭守朝章保完免失又屬陛下大聖矜老容

愚不以臣駑怯更加寵命授以青紫遣督幽州林胡構凶

王師出討士馬雲集軍務星繁糧饋戎集作甲以萬集作

億計一作臣無田疇鄉導之策又乏杜預度支之才空竭疲驚

一作晝夜不息以勤補拙首尾二集作年彌縫闕漏幸無

愆乏張玄遇等不謹師律賊得乘機遂敢長驅燕陲深入

趙地集作臣又無李牧東胡之畧實愧吳起西河之守使

凶狡攘奪集作遂擾邊鄙論之國憲合刎頸謝罪陛下不

以臣之集作奉更授清邊軍副大總管五月恩制六月到

軍一作逆虜天亡臣又無效至於軍功戰籍叙勲定勞副

職日淺未及精覈一作大兵旋旆王師獻功而漢廷將軍

未聞辭第雲中太守已論增級今乃竊功謬賞有異集作

朝章忠誠殉節不昭類表國議一作而臣由濫其職任過

其才實類表其職任過其才上不能允副聖心中不能匡正

戎律傍招物議有紊一作失軍容臣罪何逃誰執其咎伏願
乞賜骸骨貶歸私第式清朝序未覩師貞不勝待罪惶懼
之至

爲宗監請停政事表

武后

崔融

神功元年

臣楚客言臣聞古之聖君慎擇賢佐故軒轅得力牧而爲
五帝先夏后得咎繇而爲三王祖殷之盛也伊尹格于皇
天姬之隆也虢叔聞于上帝斯皆應風雲之會依日月之
光社稷繫以興衰時政由其輕重粵若大周之有國也天
策金輪聖神皇帝提封千里光宅四天道化淳釀神功靜
默雖堯年無事久聞童子之謠而漢家用人或取匈奴之
笑臣某中臣疲驂強策卒無行地之功决羽曾飛終罕冲

天之望今臣經術淺短才能朴畧言不足以補世行不足
以勵時徒以枝葉微姻葭莩末屬遂得拔擢泥滓騫翥雲
霄食君厚祿不能有所輸報受君殊寵不能有所發明茫
然政途妨此賢路外慙衆口內愧諸心朝廷亦何異捨陸
而泛舟膠柱而調瑟當域中之有道豈天下之無人常深
鼎覆之憂每切鼓妖之懼臣之懇懇非欲自保其身臣之
區區切慮上塵於國今者契丹大勦默啜自來六合大同
四方向化加以朔旦冬至禹命惟新五星若連珠二曜如
合璧謂宜退不肖進賢良與天同休與人更始又聞管夷
吾有言曰德義未明於朝而使居尊位者則良臣不進也
功力未見於國而令處重祿者則勞臣不勸也臣有何德

而居之臣有何功而處之臣雖至愚敢忘先誠伏乞陛下
察匹夫之志思仲父之言坦至公之方弘滅私之道羊叔
子之辭聞府臣事君以忠庾元規之讓中書君使臣以禮
傳求于衆廣聽于人停臣檢校夏官輟臣平章政事臣得
避位清切待罪尚方罄竭單誠庶幾或濟伏惟陛下容納
纖陋鑒揆愚蒙使周勃無淡背之慙虞丘有退身之地則
雖死之日猶生之年矣無任悃欵屏營之至謹詣闕奉表

陳情以聞

云

爲王起避請辭澧陽縣令表

前人

臣某言臣伏奉恩旨授臣澧陽縣令臣才疎藝薄植此無
庸命偶時來遣茲多幸逢上聖之初劫叅太平之末位槐

榘驟徙亟遊銓館之門草芥何爲忽枉樞筭之綬召見於
赤墀之下垂恩於紫霄之上豈徒任好之魄忽上於鈞天
固亦闕澤之名遂昇於飛日仰殊私而載惕顛匪服而增
慙雖刻跡都畿永無闕庭之望然委心蓬艾長懷雨露之
仁幸欣就日之明敢憚乘流之遠但以州縣之號與臣亡
父諱同迫切私情不獲過赴伏乞天慈永錫聖造曲成弘
以孝理之風愍其心瞿之日使得策名他職陳力異邦則
地義天經實獎於名教糜軀粉骨豈醉於鴻恩一作無任
懇迫之至謹昧死陳表以聞

爲定王武攸暨諸降王位表

中宗

宋之問

臣攸暨言臣聞力微任重無德者履之必危功薄賞隆有

識者陋其非據臣地因外戚器實中庸顧慙蓬艾之姿謬
忝葭莩之末則天大聖皇后敦睦九族崇念六姻曲申循
子之情爰垂降主之澤禮優築館恩洽錫珪拔自堂姪之
流光以親王之位臣常再瀝誠懇集作已蒙賜等諸昆今
陛下隆德嗣興鴻基紹復群萬物而改旦宅千齡而配末
洛讖河圖允叶純深之義雲行雨施載流寬大之恩追奉
先慈將覃後命外家諸子降等猶誓於山河主第增榮在
臣更超於等數陛下雖渭陽情重沁水恩多凡是封冊王
公終亦集作憲章堯舜以濯龍之戚今乃方於五侯綠駟
馬之姻古未封於四履私親越禮聖人之孝理載光冒寵
延災微臣之官謗斯久又以班叅禁內秩比侍中自非德

邁應璩識侔慶忌將何以對揚顧問規獻文章况臣位以
恩升寵非才進無脛而至凡姿蓬於珠玉無翼而飛辱澤
借其毛羽未貽身譴幸庇容光臣亡兄攸寧循榮增懼以
臣叨鳧繹之貴口夕寃競負鼈抃之恩歲時力盡屬續之
夕再受懇言憂臣愚蒙令臣退讓倘陛下俯遂勤請集
遠察冥心納臣揆分之言置臣獲全之地去茲王號降以
公名爰食封邑同諸兄弟賜改散職即望叅朝實冀家福
惟新朝典集作咸序天德更逾於造化神理不責於滿盈
臣無任懇欵覩懼之至

第二表

前人

臣聞富貴者易象謂之崇高滿盈者至人誠其顛覆臣在

非次久冒殊恩所以輟寢思危廢食懷懼慙歎集作之極

載陳前表備瀝中誠之訴實非外飾之詞而聖鑒未迴寵

章仍舊戴岳之重何憚力疲沾原之隍日憂身墜臣某謝

臣雖學慙敦史而塗聽前言尸位者必會短期冒榮者難

為長守豈有外戚尚主異姓封王男皆公侯女食郡縣佩

服五等輝耀一門湯沐山河家傳集作萬戶耕夫織婦凡

有幾人役彼有勞之人供臣無億之用集作無縱蒙聖心

再集作假其如神理不容自先后臨朝攀榮已久聖皇纂

極沐澤惟新自古迄今如臣流輩苟進者速禍勇退者獲

全且王者所以強幹弱枝為藩佐集作拜封必李氏無闕

漢文集作乞伏陛下降河渚之姻感渭陽之族賜臣軀命

永守蒸嘗得同昆季之流均王捨郡王之號臣以日為歲以

榮為憂希迴三舍之光允臣萬死之請無任覲昌之至

太陽虧為宰臣乞退表中宗蘇頌

臣某等言伏見今月朔旦太陽虧陛下啓輟朝之典有司

尊伐社之義臣等伏自尋繹無任惴恐臣某中聞官或

迷焉疑必犯先王之誅辰弗次舍必貽上公之責此乃邦

有常刑聖有明訓頃者論道任重衮章猶缺端揆位隆鼎

台是亞所以熙帝之載代天之工調六氣之和法三光之

度則大化為本非小才所宜崇替率由咎徵斯屬伏惟應

天神龍皇帝陛下光被四海對越二儀人祗宅心俊賢翹

首但置之左右以為輔弼自忠言啓沃功臣保乂用作霖

雨格于皇天臣何人斯而敢叨擬議臣等智能素薄經術
 殊陋望不過於掾史名不達於州閭徒以遭逢盛明頗皆
 履歷參廟堂之機密為宗族之光寵者十數年于今矣忠
 肅恭懿遠謝八元之名進善退惡近慙二君之美陳平有
 言嘗則不稱賈誼延誚居然已得光陰久馳年禮俱逮自
 應屏黜以清彛序而徘徊聖恩萬一希效僣倪殘歲甲子
 空多遂超總領之司愈失具瞻之望將何以匡翼庶政儀
 刑師屬且視事而老才媿千秋之賢待罪安歸憂深萬石
 之裔又知塵穢寧虞負乘所以素冷加責聚誼於下薄蝕
 生災見昭於上天之所戒臣不可逃陛下矜而宥之未致
 于理伏乞收其印綬賜以骸骨則知胡廣罷位抑有前聞
 徐防免官復自茲始臣竊其幸物誰不冝懇倒祈祈惶
 交集無任切迫之至

辭官歸滑州表

李邕 開元中

臣邕言臣素無藝能積負訕謗衆多之口自可銷金怨讎
 之心每堪殞首伏惟陛下至明大聖察之纖微盛德在人
 洗之瑕穢山川納者不擇薰猶天地覆之是霑雨露且人
 荷惠渥大抵官榮今臣蒙國恩私及驅疑作軀命事出涯分
 之外恩加父母之深已逝之寬復歸朽質既乏安地尚叅
 高班雖欲殺身未能報主彌慙持祿有以保名但秋燕將
 辭必徘徊於大厦老馬雖去終顧步於華軒臣今茲六
 十有七光陰荏苒行止一作歌危就木之時不知幾日懸

車之歲僅有三年即以今日歸州不任遠涕戀之極謹奉表以聞

為薰江夏乞退表 肅宗

元結

臣某言月日勅賜某官某乙至賜臣制書示 臣云者臣

伏見詔旨感深驚懼臣豈草木不知天心頃者潼關失守

皇輿不安四方之人無所繫命及求王承制出鎮荆南婦

人童子忻奉王教意其然者人未離心臣謂此時可奮臣

節王初見臣謂臣可任遂授臣江夏郡太守近日王以寇

盜侵迫摠兵東下傍牒郡縣皆言巡撫今諸道節度以為

王不奉詔兵臨郡縣疑王之議聞於朝廷臣則王所授官

有兵防禦隣郡並邑疑臣順王旬日之間致身無地臣本

受王之命為王奉詔王所授臣之官為臣許國忠孝 集作

之分臣實未虧蒼黃之中死幾無所不圖今日得達聖聰

集作臣今 集作年將六十老母在堂縱未能奉義捐生則

豈忍兩忘忠孝臣少以文學為諸生所多中年自耳順逸

在山澤聖明無事其為外臣無何以鄙僻之故返為人知

遂汙官次以至今日臣又頃年貶謫罪未昭洗今所授官

復超越班秩罷歸待罪是臣之分今陛下以王室艱難寄

臣方面臣亦已忘身許國誓於皇天伏惟陛下念臣懇至

謹因勅使臣某官奉表以聞

代于京兆請停官侍親表 代宗 獨孤及

臣某言臣聞審官而用者君上之明也量力而動者人臣

臣某言臣聞審官而用者君上之明也量力而動者人臣

之義也然則審官先於責實量力在於知止苟違斯道是

必終凶臣以薄劣素空行藝遭逢際會累忝驅馳自受京

尹向逾周月上無報國安民之効下乏推賢審已類表作進善

之能官謗日深內省知愧伏以去年冬末迄于今日竊聽

閭閻頗有流散在于京輦亦多攘奪臣兄枉橫為賊所傷

哀苦之中忍耻尤甚雖久令分捕而竟未就擒臣之無能

於茲可驗偷安重任夫亦胡顏况臣同氣數人相次淪沒

閨門之內哭不絕聲應由臣無德而祿召此殃釁興言感

慕痛骨摧心又臣老母素多羸瘵近從數載頗益沉綿臣

妻先亡無人侍側飲膳衣服臣悉躬親頃任京兆少尹中

間又司帑藏雖稱要劇亦有餘間臣每退朝便道覽視方

藥自公言歸早見安否老母以數在左右都忘呻吟及臣

典領大府事繁務切鷄鳴而出暮夜方歸清晝之時莫見

親面凡所服餌或非調適心有未快類表作慙疾亦轉侵在臣

焦灼類表作惶恪處無地專力養則有妨吏職徇公事則闕奉

慈顏忠孝兩虧紀綱將廢以天倫哀緒未平之日憂老母

方寸已亂之時雖欲自強必不勝任倘漸荒府政小紊朝

經類表作章他日噬臍固將何及或當重責已負前恩是敢泣

血祈天瀝肝請命特乞免臣所職就養私門非惟有光孝

理實亦少裨玄化龜蛇賤類上報何階烏鳥微情反哺斯

足無任懇願迫切之至謹詣右銀臺門奉表陳乞以聞誠

惶誠恐頓首頓首

文苑英華卷第五百八十

文苑英華卷第五百八十一

辭官二

為楊相求退表一首

河東副元帥馬司徒請罷管度表二首

卧疾辭官表一首

代盧相公謝賜方藥并陳乞表五首

代賈相公乞退表一首

又代賈相公陳乞表六首

代魏傅田僕射辭官表一首

代韓僕射辭官表二首

為鄭滑李僕射辭官表一首

代裴相公辭官表一首

為楊相求退表 德宗

于邵 建中二年

臣炎言比者盛夏無雨農人缺望遂軫聖慮迨乎孟秋乃下明詔並表羣祀神人協和膏澤旋降嘉穀無害粢盛可期此皆陛下明聖慈仁上應臣所以慙貌重位容身無地載積憂懼豈遑夙夜歷觀自昔帝王以理天下者未有不疇咨訐謨以熙帝載三五以降則有六相十六族共陳翼亮之功其在夏殷不易斯典逮周分六官秦置左右西漢因之以丞相東漢更名以三公魏晉雖有損益亦無獨任之道陛下按臣江澤之外致臣密勿之地縱欲思報鴻造贊襄盛業其如智識薄劣力所不任常恐負乘之類無以塞責臣又聞之天有三台鼎有三足丞疑所以備四輔朕所以象四體創明堂構大厦非一木之力焉况臣駑愚而久備位今舞干以化戎狄脩好網羅再張兆人是賴朝多賢達野無遺逸一能勝臣者則指顧皆是豈以萬務之重而獨委於凡流乎縱臣一朝敗累分從隕越則既墜之跡死將安謝伏乞俯廻天鑒退臣散地舉用伊臯使不仁者遠臣雖萬死誓無所恨不勝待罪兢惶之至

河東副元帥馬司徒請罷節度表 德宗

崔元翰 興元元年

臣燧言臣聞享其名者必有其實受其賞者必有其功臣以往年奉詔東征田悅尋又伏奉恩命加臣魏博節度使

方將收其土地撫彼黎人致天誅以伸威布王澤而施惠

不得不居其任何事而辭其後摧敗雖多剪滅未即類表作則

未其賊偷延數刻獨保孤城田悅以潰亂殞身田緒以窘

逼歸欵聖恩復加弘貸悉復舊封以臣有掄制之所係纏

綏懷之所降附人徒之衆將吏之多特勅別置保寧軍節

度仍以臣兼充其使臣又方以勞來為事實且慰安其心

尋蜀西討河中內清關輔事殷任重勞力焦神正在憂虞

未遑辭讓今臣舉軍還鎮解甲息師况當歉歲未康疲人

類表作重固苦復虛兼二使別創兩軍職任既繁祿廩愈一作逾

倍一作重臣非有收郡邑壁壘之實不宜復加名位非有保城

池封畧之才不宜別開軍府而乃妄為繁費謬積恩榮在

私心懷苟得之羞於國典為虛授之失伏乞罷保寧節度

俾臣此使以保寧軍兵馬隸屬河東節度則聖朝有省約

之利愚臣減盈滿之憂且臣尊爵大官窮榮極寵何待加

茲一職乃為被以鴻私今保寧河東兵馬久同征行以相

和協有同一體不必異名頗亦便安伏希裁擇無任悃欵

之至

第二表

臣某言為臣之道臣實聞之有難則受命而不敢辭事君

無苟免之責已安則避位而不敢處量已無昧進之譏况

禍過忌於滿盈任重憂於顛覆臣之所懼孰以類表作不為宜

臣少無材能進非輕術因逢屯難遂効驅馳陛下每錄微

功累加高秩皆緣恩澤備盡寵光名列台司位兼宰輔總
戎巨鎮類表居守舊都比又以東討魏州招降頗眾伏奉
恩命別以為保寧軍節度又以臣兼充其使重以四征羣
寇總帥諸軍加臣河寧保奉誠等軍節度并管內諸道兵
馬副元帥臣亦欲懷來欵附統一携離以此因循不即辭
避今者寇戎剪掃區宇混同方將撫綏無事征伐則止不
宜復居副元帥之任保寧軍將士與河東將士久同居處
並以和寧不必別為節度伏請停此二使許臣但以河東
節度使鎮守北藩猶有尊官又兼寵祿以為厚甚不可復
加雖尚偷榮近於量力豈將飭讓於外實惟陳請於中伏
乞聖慈俯垂照鑒臣無任懇款并營之至

卧疾辭官表

德宗

齊映

貞元二年

臣某言臣生何僥倖遇聖屬千年之運命何舛薄染患逾
十旬之程法既限於朝章事竟塵於天聽惶懼戰灼不知
所圖臣某中謝臣自三月天澤傍流御醫親降膏育既辨
沉痾日輕但於寢疾多時羸頓猶甚支體骨立氣力惛然
審慮旬日之間未任朝謁之禮更以法資畫一令在必行
豈以微臣虧於大憲况中書近密樞務重切不可一日而
闕臣以累月在假頗為曠闕罪實難逃更乞淹延心何自
處故臣之陳奏非敢竊退讓之名臣之懇誠非為追止足
之誠直以當其無病猶不逮人既以違文豈堪玷法伏乞
弘廣運之道崇大中之規是歸執象之言以副垂衣之理

豈微臣幸甚實葵草幸甚無任誠懇之至

代盧相公謝賜方藥并陳乞表 德宗

權德輿見集本

臣邁言臣自染偏風今已彌月將息未減渥澤轉深伏蒙
特令供奉僧智昌醫療每日令中使存問及賜柳湯煎驢
頭方仍便令服餌者雇以庸賤昧於攝理久茲竊位常懼
害盈陰陽之和無補時化風毒生疾上煩聖慈靈方御醫
稠疊備至雖受恩服藥誠合漸瘳而福過災生慮難自保
况中貴將命寵臨私門犬馬之微日塵黷纒或有加減自
合上聞非常之恩伏乞停罷且台司要重庶政泉源以臣
平居素積官謗今右邊手足動用不隨自滯枕席已淹弦

聃伏乞以特免職使得養疾家口居博求上才用塞人望則
公朝無覆餗之責陋質荷生成之仁今攝衣拜章力且未
足口占代署貴達愚衷無任感恩迫切之至謹奉表陳請

以聞 貞元十二年十月一日

第二表

前人

臣某言臣以疾病所嬰在假既久自審不逮遂有上陳詔
旨優答懇誠未允屏營慚懼不知所安臣聞為官擇人各
司其局條貫責實 集作條實實効 共致理平凡在庶僚猶不可曠
况宰臣之任曷足承君調和陰陽左右教化能否之下利
害繫焉苟有所壅其傷必大以臣虛薄備位四年奉勵精
之勤但樂昌違當其瞻之地莫負羣心書曰百僚師師百

工維時言得其人也語曰陳力就列不能者止言審其分也况沉頓逾月冠帶未任風毒所侵惟望速差彼已之刺倍切於今以被病之微臣尸台司之厚祿自知不可如公議何伏枕披誠再黷宸衷冀廻天鑒俯遂愚衷所謂曲成豈惟平施無任惓欵迫切之至謹奉表陳情以聞

貞元十二年十月十八日

第三表

前人

臣某言臣逼於疾瘵累有陳奏再奉詔旨私願未從感恩則深量力難濟况偏風伏候與諸疾不同雖時似少減終慮成沉痾中樞務重不可闕人自臣在假已四十餘日曠廢斯甚兢惶益深一夫不獲一吏不職則繫聖慮以之憂勞今臣手足未平心緒未復卧受豐祿胡顏自安伏惟陛下順天理物躬勤庶政事無細大成遂其宜豈可獨私微臣久玷時化是以直疏誠懇不敢苟飾煩詞冒黷宸嚴期於照鑒無任惶怖震越之至謹奉表陳請以聞

貞元十二年十月十八日

第四表

前人

臣某言臣素以庸虛又嬰疾病半年在假未任出入四表上陳備盡誠懇過蒙渥澤特賜優容聖慈則深私願猶阻俯仰衽席兢惶靡寧臣本謂至春和得漸平復今方藥遍用根本未除雖簪帶假人得以被體而趨步無力難於拜恩輔臣之任百辟是仰遵守法度誠所宜先豈有踰歲家

居尚塵鼎飪况所受厚祿出於疲人竊位公卿尚知不可
沉疴私室何以自安易象害盈實在今日伏惟陛下弘覆
萬物曲成不遺凡在懷生各得其所以臣沉痾久曠官司
前後臣聞披歷肝膽期切之至謹奉表陳請以聞
貞元十二年二月二十

第五表

前人

臣某言臣待罪非據歲時已深龍秩逾涯災患自至一從
移病忽及周月五獻章表未遂誠沉痾之身滯於床枕
職守之効絕於官曹虛費祿廩不安夙夜遂於去年五月
二十八日進狀乞停俸錢自後一不敢更有請受竊冀素餐
之責少息輿議再懇之至上一廻而一至心邇來又經九十餘日

承命未下憂惶無措蓋聞祿以詔功又以養賢以臣之愚
而無功績又此尸曠俯仰內訟逼於公私臣之情理實為
難處臣之言詞不能自達使得終獲退免曲遂微誠一亨育
深恩實在於此無任猥逼懇款之至謹奉表陳乞以聞
貞元十三年九月某日

代賈相公乞退表

前人

臣某言臣以庸愚謬尸寵祿位居師長職重台司徒叨渥
恩無補時化跼躅荏苒六年于茲去秋以來多病相繼每
自策勉以奉休明而筋骸內衰官謗外積近染痢疾綿歷
旬時進退之狀不恒寢食之理皆耗伏寢循省無所克堪
凡在常情皆願貴仕况臣累蒙任使實越等夷從容廟集

朝堂沐浴天澤恩私歲久誠每切於匪躬疲薶日侵事有
逼於量力伏惟陛下覆育臨照曲成不遺俯矜愚衷移授
散秩則樞軸不曠輪輅適宜拳拳之誠所望斯足無任懇
款惶懼之至謹奉表陳請以聞

貞元十四年七月二十四日

又代賈相公陳乞表

順宗

前人

臣耽言伏奉今日制除臣檢校司空兼左僕射依前同中
書門下平章事祗荷成命捧戴恩私心寬震驚慙怖失次
臣以庸薄無他才能先朝過聽謬賜驅策叨居鼎鼐十有
三年猥承雨露之恩終闕涓埃之効累經陳乞未允懇誠
復以餘年再承休運集作自陛下紹集作膺寶歷澤被羣
生亭育所加飛沉遂性而臣齒髮頽暮疾恙嬰侵筋體集

日衰心力皆耗况宰相之職用調陰陽司空之官實

水土從古授受重難其人以臣平居猶知不可今中旣眩
毫外亦支離寢興不安言語失次豈可苟貪責任上玷清
時省躬則然况在公議古者君有致政之惠臣感得謝之
恩鍾鳴漏盡前哲所誠年衰疾劇在臣爲甚逼於情理敢
黷天威悽悽血誠期在鑒聽無任懇款恐懼之至謹奉表
陳讓以聞臣耽誠惶誠恐頓首頓首謹言

貞元二十一年三月二十一日

第二表

前人

臣耽言臣以疾病所逼氣力不任輒露懇誠上祈退免聖
慈備至私願未從詔旨便蕃慰勉纖悉自宜策勵以奉休
明螻蟻之誠敢忘夙夜犬馬之疾日益纏綿視聽昏煩舉

措乖誤心不記事口不逮心神理害盈正謂今日昔韋賢致仕者在漢廷韓厥請老書於魯史豈可以茲沉廢苟汗班榮通於公私非敢撓挹自聖明馭宇動植覃恩豈於庸愚獨阻誠志乞廻天鑒俯遂殘生伏紙上陳感涕嗚咽無任惶懼懇切之至謹再奉表陳乞以聞臣耽誠惶誠恐頓首頓首謹言

貞元二十一年三月二十七日

第三表

前人

臣耽言臣殘年沉瘵漸不支持再表上陳未蒙允許顧茲朽質徒感鴻私而枕席纏綿形神消耗上台之任歲月積深大病之期晦明難保自叨升論道扶疾拜恩邇來狀候日以羸瘠集作災因福過足驗於今伏乞賜臣骸骨收臣

即綬期於必遂不敢煩辭無任量力懇逼之至謹奉表陳

乞以聞

貞元二十一年五月二十日

第四表

臣耽言臣聞生人所欲豈過富貴仕進之榮無踰公相臣受祿過厚叨恩且深疾瘵所侵日月以甚表章三上宸睭未廻蕭然私室溘盡是慮臣頃歲齒及懸車疾經百日輒援禮令乞遂休閑先聖優容未蒙允許集作於今則桑榆轉逼沉頓寢深比於往年遠不相及前後陳請備竭肺肝特希聖慈俯鑒愚懇羸骸假息所望退身瀝血披誠伏待明命無任屏營懇逼之至謹奉表陳乞以聞

貞元二十一年七月二十二日

第五表

前人

臣某言臣以庸愚累叨爵命大行皇帝拔擢非次列於宰
輔歲時寢深塵路無補太上皇踐祚聽政寵登三公而臣
寢疾所嬰已在牀枕沉疴日劇氣力漸微自春涉秋四表
陳乞伏遇陛下繼明慕統臨照萬方澄清化源朝野相慶
但臣百疾所奏四支不任豈使將盡之人猶處具瞻之地
私誠所逼上黷宸嚴既非矯一作讓期在聽納無任懇款
逼切之至謹奉表陳乞以聞永貞元年八月八日

第六表

臣某言臣犬馬之疾福過災生前日以來轉就危困自量
氣力的不支持自陛下一作嗣慕虛圖臣已寢疾一作綿亟竟
不得一趨陛下謁龍顏一作四壤之中以此為恨臣備位宰相

歲時敢深求歸泉下無一作明代伏惟陛下為萬姓自愛則
幽明蒙福無任感恩哀戀之至謹奉遺表以聞永貞元年十月十一日

代魏博田僕射辭官表

臣某言臣聞中原息戰子房得以乞身東吳既平范蠡終
能行志二臣皆因時効用遇主成功進咸展於盡忠退各
安於秩考所以立名萬古保慶一時愚臣夙心私有所慕
况蒲柳先邁鴛鴦易疲審已無堪量力知止吐誠上達罄
寫中懷仰覲天慈俯照愚悃中謝臣雖長於戎旅幼業詩
書每稟効忠之言早勵為臣之節當河朔承襲之日在軍
幕危疑之間每動險中幾隣於死常以捐軀報國率彼頑

人受命指蹤掃清餘孽用摠宿憤一作志以答明時一覩天

庭百生願足但懷感激豈意遭逢伏遇陛下神武應期聖

謀獨斷臣得進陳忠款見委赤心唯將擐甲啓行執受畢

力上憑睿筭凶寇自夷今日獲覲天顏躬承睿渥平生之

願既遂休老之志宜申豈可更貪寵光久冒榮祿使貽官

謗取笑將來臣自總魏師初率歸化當時結念便誓此心

祈於一作終始素誠非是飭讓匹夫之志猶不可奪臣昨自離

本鎮亦以此意明言陳諭聖恩勉其忠義將士等皆懷皇

化盡激丹誠則一軍幸安且無足慮在於今日臣何所任

豈可久職妨賢待譏竊位此時不退何日宜退臣犬馬之

齒未云甚高筋力之間已知不健一作速加以少罹憂患

髮早衰久經行陳心力已耗若許其優養或冀保餘年儻

抑其愚性則生理必阻且身兼將相人臣之位已極蒲朝

子弟人臣之家至盛於國何補獨荷殊私所以優餘惡盈

樂在知足擊壤自歡於聖日懸車豈待於禮年是用瀝膽

披肝冒昧陳乞伏惟皇帝陛下德邁羲軒恩深覆載蕩除

餘侵理致太和動植含靈無不遂性方將旁求英俊共洽

昇平如臣以鷹犬之微獲申搏噬累塵高位常積厚顏福

過災生有當勇退且富貴榮樂是人所欲苟心所有尚意

趣或違疆其不能適足增苦儻蒙恩造獲遂優閑許歸衡

茅取樂餘齒是天地曲成之德君父莫大之恩五湖廻舟

生無慙於越相都門揮手死不愧於漢臣言披血誠情切

中素無任烟欵懇逼之至

代韓僕射辭官表

張述

臣某言臣以夙疾多時受任非淺常有負覲冒據官榮將貽折足之尤以速素飡之謗昨者輒陳章疏冀蒙矜免不意血誠徒懇聖慮未迴懷荷寵私有如水炭臣聞力小任重久則致敗功微祿厚過則生災故經垂知足之言易著負乘之誠皆明力不勝任才不當官臣雖孱微嘗所執守且臣受鉞閫外二十一年第執金吾男居藩服窮極寵幸萃臣一門每夙夜憂惶常恐身先犬馬不獲策勵駑蹇上報鴻恩今臣實懼不逮是以生口訴况臣心力未減猶可支持筋骸已傷或難勉疆伏望聖慈哀察賜徇一作懇誠恐

至
臣某有陳聞許以病免丹款一作憊遂沒齒為榮無任懇逼之至

第二表

臣某言伏以累獻表章微誠務達屢陳聖聽罪犯已多臣聞固陋寒賤人之所惡富貴榮達人之所欲自臣忝謬即宜推陳豈可蓄縮偷安敘一作依歎一作違苟得若禮一作命當植一作命得者不勸一作榮故禮以旌德賞以勸勞諒或苟差何以沮勸臣自叨幸高位二十一年手足病風十有餘歲每恨國恩未答沉瘵遂嬰命竊極於公侯身實隣於廢棄幸逢明詔獲覩闕庭天顏咫尺之間稠疊慈諭彤庭拜舞之際宜一作曲賜人扶焉有臣對君上獲此恩禮陳于明庭雖丞相

乘車入朝鄴侯劔履上殿臣忝一作方臣僥倖竊彼殊榮未知何功寵光及此史冊莫載今古全無皆陛下降稽天之仁垂極地之德特開貸納俯賜含容君父之恩不可稱量臣每退朝之後感極滄流唯思訓子導孫披誠瀝懇率令致命不止終身盖由感深遂切肌骨但臣去就如此保固官榮尚稽覆載之私更安顯重之位則何以標明賞典準約朝綱臣是以陳露鄙誠罄竭於此昨者再披悃款冒死奏聞蒙賜批諭特加獎飭錄其微功未賜允從臣今輒敢復獻表章觸法陳乞特仰恩私養疾衡門則陛下無虛授之名微臣免曠官之責不奪之志告訴豈懼於再三缺望之誠允許庶幾於萬一陛下倘如心塵黷俯察區區容其病免

以狗誠請

一作情

雖死之日猶生之年臣無任

為鄭滑李僕射辭官表

臣某言臣聞虞舜之朝九官皆讓西漢之盛二疏云去蓋上以淳風盪俗下以廉耻激節故也况寵辱之際不驚則愚進退之間不知則殆中謝伏惟皇帝陛下德超邃古功格上玄誕敷文教丕變頽靡天地日月載惟貞明動植翔泳罔不咸若臣某席以枝蔭階緣休運弱齡入仕四紀于茲三省微躬一何厚幸是以每蒞一職每從一官未嘗不心効權衡操懷竹柏雖齷齪廉謹曾無異績而毫釐過犯未污簡書知臣在君匪敢矜述自陛下嗣臨寶位一十七年不以疲駑猥蒙獎拔授以疆土假以麾幢入居宗廟之

司出典股肱之郡八座之貴臣拜者三六條之榮臣守其
五四開戎幕一佐中軍至如宮相臺丞侍臣堯印兼命稠
疊累遷頻速輝光既極盈滿是憂間歲初領華州方宣聖
澤俄以滑臺選帥非次及臣雙旌自天匹馬之鎮此州當
四達之地控兩河之境兵雖勁逸人至凋殘臣遠仗皇威
推誠撫衆服勤吏事盡瘁牧人遂得黎庶就耕織之時士
伍知訓習之禮此皆大化光被臣敢貪天之功常恐三至
奪慈孤立速謗此臣所以怵惕惟厲中夜以興願披血誠
上達旒宸伏惟陛下少加憐察臣竊以酬恩徇節心實無
涯引重致遠力誠有極臣先於嶺南染風毒脚氣今年春
又患發鬢分將不起命及沾危幸沐亭育之恩免從惟蓋

之斃臣年逾知命齒髮已衰疾經沉痾方寸頓減久當繁

劇必慮闕遺臣又聞制類表閩者以重鎮爲雄仗鉞者以

專征爲務臣器幹不足以在類聚任方畧不足以持權何

以統節制之師貞定否臧之戎律臣且陳力就列訓誥攸

存審才則然以病宜免况巖廊多士宇宙無虞爲官擇人

皆出臣右胡可晏安冒寵尸素妨賢乞降賜骸之恩以全

折足之咎臣獲退就散秩保養餘年類表候筋力之復疆

申赴蹈而寧晚臣於當類表部勸課營田及以羨餘優恤

將士等事一一別具條奏冀明輯睦上副憂勤塵黷宸嚴

冰炭交臆無任懇切屏營之至

代裴相公辭官表 文宗

劉禹錫 太和四年

臣某言臣去冬得疾近日加集作方劇西夕之景豈能久留

及其未亂披露誠懇臣犬馬之齒六十有七壽雖不長亦

不為短位忝公台近十五年皆由際會非以才進常懼官

謗以招國刑令被病得死保其始終為幸甚厚豈復咨嗟

所恨者遇聖明之君不得佐成太平之化自量氣力忽恐

奄時一作然則心有微素無陛下達伏惟聖慈照鑒臨而察

之申謝伏惟集作以三公非曠職之地宰相非卧理之官臣

伏枕之初已有陳乞請罷真食兼辭貴階集作陛伏蒙優詔

纔遂一事頻降中使慰勉再三專令御醫旦夕診視苟安

名器不覺經時主恩則深公議不可伏思陛下臨御之始

宰臣四人逮今零落忽已一半臣且危瘳餘年幾何唯易

正外鎮獨得無恙竊持此理權位難居伏乞賜臣停官許

在家養疾就閑辭祿或冀有瘳害盈福謙固是神理儻天

眷綢厚念以伏事多年臣之所陳未蒙便遂則國朝勳舊

以疾辭一作碎位者皆得致仕使其家居足以頤養既有成

例著於舊章伏望天恩特賜哀允

文苑英華卷第五百八十一

文苑英華卷第五百八十二

表三十

宰相雜謝

雜謝表二卷英華所編
夫年代今以先後正之

為左相宗楚客謝知政事表一首

為宋尚書謝加三品表一首

為兵部王尚書謝加門下三品表一首

代宰相謝加銀青并郡公表一首

謝門下侍郎平章事表二首

代嚴大夫謝黃門侍郎表一首

為盧相公謝除中書侍郎表一首

為趙庶子謝平章事表一首

為崔相公謝門下侍郎表一首

代杜司徒謝平章事表一首

代人謝平章事表一首

代王相公謝加門下侍郎食邑表一首

代崔相公謝加中書侍郎食邑表一首

代史蝕王相公謝加食邑實封表一首

代中書孫相公謝登庸表一首

代陸相公謝再入表一首

代史館王相公謝監脩國史鹽鐵使表一首

為左丞宗楚客謝知政事表

武后

李嶠

長安四年

臣某言臣志識無取才藝缺然叨預預段遂昇班秩彈冠

受檄曳組登朝內府尸榮以招官謗中臺揆務愈塵政本

聖恩無限天造不賞仍屈帝難俾參皇極西雍之羽仍所

庶幾東郭之毫敢陳誠請九霄從邈三舍不迴嚴命必行

醜顏何寘方持畫虎且對羣龍遂以挈瓶謬膺和鼎空焉

作礪之命豈庶磨鉛之功祇拜寵臨伏增慚惕無任悚戴

屏營之至謹奉表陳謝以聞

為宋尚書謝

一作讓

加三品表

睿宗

蘇頲

景雲元年

臣某言伏奉制書加臣為銀青光祿大夫餘如故寵榮俯

臨

一作寵臨俯建

惶怖交集臣某中謝臣爰自弱齡素無

一作微

遠

操僣俛職事豈期聞達二朝揚歷數載塵冒以茲過聽皆

是曠官內省寂寥長懷愧負陛下聖明御極多士如林不

以臣不才擢升宰輔每侍帷幄未能招宣景化頃司衡鏡

未能澄汰流品一作流品若臣之咎將何以逃又擢一作採臣於

循良之末賞於廉問之間一作舉遂出常規猥班休命臣之

涯分頓為忝越此者應踐榮秩各限格文欲使無相奪倫

較若畫一臣課効多闕勤勞未著爰屬首秋尚居五品名

聞之始階方泛及格限之內考復想懸臣何人斯忽當今

授臣縱不能鎮靜流弊安敢不罄其愚直首虧不刊之典

坐取非據之榮進退失圖心顏何寘况國之程式示於天

下比有虧紊過在大臣臣自違之復將焉用臣年未知命

識非半古旋叨厚祿仍受隆寄求國章其已默一作而顧

身老而必然聖朝有刺於在梁微臣生災於轍室豈唯簪

綬之耻抑亦邦家之羞伏乞天恩曲流威貸矜其至懇知

匪飭詞反汗收綸亦一作實臣之幸臣無任切逼之至

為兵部王尚書謝加門下三品表玄宗

張九齡開元十一年

臣駿言伏奉今月二十九日制敕授臣兵部尚書同中書

門下三品殊常寵榮集作靈妄集疲朽承恩竊喜任重憂深

集作惟憂臣誠懼誠恐臣伏以虛受之難魯史誠以量力滿盈

之患集作過夏載陳其招損一作損臣昔集作階緣試吏際會

登朝遂得入拜尚書比天之喉舌出鎮方伯集作出為王

之爪牙雖忠烈之誠心知所竭而績用之美歲久無聞今

陛下不以為愚四字集作不以寘之廟堂之上委集作以

軍國之謀實恐昂足不任鷦翼為刺退失微臣之守上累

陛下之明是以一集作夕九飛終朝三省泉谷為懼冰炭

在懷道路改觀於將行班位一作固慙於幸得十四字集

於將行位固臣已有別狀具所讓人猶蒙曲私未寢嚴命作道雖願

方欲俯僂恭命對揚休光磨鉛効於一割策蹇同於十駕

臣誠懼塵合席繆齒國華將何以允答鴻私弼諧大化拜

命祗懼罔知所為臣不勝荷懼之至謹奉表陳謝以聞臣

誠惶誠恐謹言

代宰相謝加銀青并郡公表

臣某言伏奉今日制書加臣銀青光祿大夫特封河內郡

開國公食邑二千戶承命戰兢伏詔惶駭拜抃一作無次

感涕失容中謝臣累代宗儒傳經素位所以勉脩學藝將

業其官而文愧承家識非半古本期代耕之祿稍階載筆

之地幸忝近署久侍內朝謬霑雨露之恩頗甄歲月之効

獲承大命謝暮訓之規載忝有司無辨論之實既虛職守

常懼蒲盈無日不思每期負敗當時同列一作所明知

豈意朝廷方正於紀綱天地忽思於微細擢升佐輔望出

羣情陳乞靡從曠廢何甚在萬邦之化首處百辟之儀刑

出自諸生猥當非據所以風雨愆候年歲不登邊徼一作

交馳田租減耗凡此數事職臣之由歷觀舊典合貶優秩

累因陛下奏獻封章天威俯臨微誠屢奪雖歷懇無報期

至誠必通上仰於朝庭幾諧願受策於第是所甘心方析

獲免之時更遇非常之賜特承七命之貴超過八階仍叨

五等之榮坐封千里雖庭堅謨弼之德山甫將明之才頓
遇今恩亦稱踰分况臣道漸先哲識類平人未遂退還已
紆聖眷頻繁寵拜實懼宸命一作神明伏乞俯照血誠特廻睿
旨夫上有無功之授則下多不勸之嫌涓滴之勞未彰於
近掖風塵之議將集於遠方所以撫心疚懷不敢奉詔拜
手流汗詎容飾詞無任慙惶之至

謝一作讓門下侍郎平章事第一表 代宗

常袞 文歷十二年四月

臣袞言伏奉今日恩旨除臣門下侍郎平章事祇奉失圖
進退無據捧詔驚一作兢駭銜恩戰惶微存懇誠得自陳露
臣某誠惶誠恐稽首頓首臣本粗傳舊業猥以文藝一作

於職官去歲已前尚忝絲綸之末今年夏首一作首夏遂登
鈞石之司舊德名臣當朝宿齒不忝此選獨進非才撫已
再思胡顏自處伏以朝廷新有處分重舉典章而上稟睿
謀下清庶品或作物通於元本一作元本猶懼匪服之嫌訪
於顯蒙將貽覆餗之責伏乞俯廻天鑒更擇時賢則三階
有協贊之功兩府無虛一作尸曠之誚無任惶恐之至臣無
任

第二表

前人

臣袞言臣退省無堪恐辱所一作寵授是一作所以昧死上言
拜首頓首讓于百辟一作鄉士冀迴宸鑒以遂至公鴻私復
降墨詔未允慙報惶怖不知所圖臣某誠惶誠恐稽首頓

百臣聞左右惟賢國安在相處具瞻一有儀之地當賦政

化字之源故有開必先玄感幽贊軒皇則三台作配虞

舜則五臣一作同遊殷夢帝而得說周降神而生甫用能

洽皇王之道致天地之和至於漢興一用人傑爰及江表

猶擇一作資一作偉才當此大任固非常品臣性惟愚拙才無經

濟徒以趙宮觀聖逮事先朝穎川危蹕獲承中顧凡所履

歷莫非塵忝出於始望之外不知自至之由豈謂玄造曲

成大明私照俾佐邦政得參廟謀一作竊以當今樞務之

重在昔上公之任臣職非通鑒一作不可以論道文非雅

正不足以經邦德不能鎮撫四夷政不能親附百姓况戎

車上駕邊患未寧方欲弘濟艱難以崇大化豈齷齪三字

非廉謹所能稱職若不自揣度苟貪寵榮寧止尸官備

員期於拆棟撓伏乞訪求羣議選用上才使聖朝有則

哲之明臣下無虛據一作之責踏天踏地一作傾誓將死

請如或聖眷俯廻實亦天下幸甚無任懇逼屏營之至謹

奉表陳乞

代嚴大夫謝黃門侍郎表

前人

臣武言伏奉今月十日恩制除臣黃門侍郎忽降紫泥擢

升黃閣出自非望感恩戰懼臣其中謝臣才乏經綸時逢

際會累更天秩何補聖朝三踐掖垣九除憲府又慙在政

一作慙達政空忝觸邪犀節四持亂繩不理牙璋再建一作橫

草無功既曠職於神州又尸官於華省屬犬戎猾夏鑿鑿駕

...

省方未殄國讐正當臣辱陛下分麾以討傳檄自安空隨
冗從之流竟乏橫行之議尚多淹致一作尚淹致命仍更冒榮方

扈宸遊遽膺夕拜久缺斯任未難其人本求英儒將備顧
問素無學術何以允諧竊汗軒一作詩屏謬塵鎖闥寵榮非

望祇荷失圖恩重才微難於捧戴眷深効淺祇益兢惶上
答生成唯知死節無任感戴屏營之至一作皆唐類表

唐門下侍郎黃門東臺鑿臺同掌二侍中之職帶平章事

者固是宰相如楮遂良崔日用皆為黃門侍郎或
參綜朝政或參知機務亦宰相之任今嚴武表誤
入宰相門殆以此耳

為盧相公謝除中書侍郎表貞元十一年正月六日

權德輿

邁言伏奉今日恩制授一作命除臣中書侍郎同中書門

下平章事祇奉詔命循省妄庸感恩量力不知所措中謝

臣聞宰相者叙四時之化順萬物之宜用贊裁成使之茂

遂而中書密勿庶政本源以奉大猷是為右弼臣實允輩

本無他能家尚儒風獲承緒業因緣忝幸踐履班榮誠不

自意忽焉過量台司待罪已涉三年妨賢既久內省一作訟

彌切益廉謹誠懼人之常分而訂謨教化宜擇全才陛下

在宥萬方躬勤百度豈虞賤質再沐睿慈特遷紫薇實玷

皇極臣面所陳讓推於至公天鑒未廻進退惶灼且使一作

段人以器知臣者君猶冀鴻私俯察愚懇害盈之禍敢受

微軀覆餗之憂難抑公議無任感恩怖懼之至謹奉表陳謝以聞

為趙庶子謝平章事表

貞元十二年十一月十一日

前人

臣宗儒言臣伏奉今日恩制除臣為同中書門下平章事祇荷承命捧讀詔書心竄震驚拜抃失所中謝臣聞燹焚化源叅和昇實上合一德以平六符苟非其所繫斯重臣本虛薄素無器能徒以文藝獲承代業比肩多士陳力清時累叨渥恩踐履官序頃歲奉職中禁草議南宮遂忝左曹列於近侍顧常內訟慮曠官豈惟宸眷特加擢在非擬伏自循省不知所安且臣去冬尚守郎吏今纔一歲遂備台司苟集作自非全才難塞公議雖鞠躬匪懈心盡事

之誠而宣化賦政恐累知臣之與平生成難報覆餗是憂伏以面奉德音不敢更有陳讓拜音感涕上答何階無任倚戴惶懼之至謹奉表陳謝以聞

為崔相公謝門下侍郎表

貞元十四年七月二十七日

前人

臣損言審已無庸謬膺寵授昨所陳讓逼於懇誠冀全至公豈敢外飾黃閣務重非才實難墨詔復臨捧讀增懼臣聞惟君知臣任之以器惟臣事君量而後入生逢昌運自比可封之人職任集作左台司難逃竊位之責三年待罪表章不敢累瀆宸衷雖誓心畢命以竭微衷而折足覆餗其如公議無任感恩惶懼之至謹奉表陳謝以聞

代杜司徒謝平章事表

劉禹錫

臣某言臣伏蒙獎拔超踐鈞衡慮玷大猷昧死陳讓再奉
嚴旨不令固辭恩厚命輕位高責重中謝臣聞天下安危
注意將相處論道具瞻之地當總戎作鎮之權雖叶夢而
求無聞秉鉞之寄登壇以拜不兼調攝之榮授受一作命惟
難伊昔猶爾况臣庸瑣類表作何以克堪陛下玄造曲成
大明私照俾掌戎律復參廟謨寵光之命在臣已極毫髮
之効於國何施謹當罄竭微誠奉遵至教仗天威以懾不
順類表敷聖澤以遂羣生上分盱食之憂下塞素飡之責
力誠不足心實念茲伏乞皇明俯賜照鑒臣恪居官次遐
守藩維不獲伏謝彤庭陳露丹慊一作悃心存闕下同大馬
之戀恩身在淮濱仰雲天而結思一作恨無任懇悃屏營之

至

代人謝平章事

穆宗

白居易長慶二年

臣稹言伏奉今月日制書授臣守本官同中書門下平章

事者殊常之命非望之恩出自震衷加於九陋竦駭震越

不知所為某臣誠惶誠恐頓首頓首臣伏惟近例宰相上

後合獻表陳謝臣今所獻與眾不同伏惟聖慈特賜留聽

臣伏聞玄宗即位之初姚元崇為宰相元崇欲救時弊獻

事十條未得請問不立相位玄宗明聖盡許行之遂致太

平實由於此陛下視今日天下何如開元天下微臣自知

才用亦遠不逮集作元崇若又僂俛懷安因循保位不唯

恩德是負實亦軍國可憂臣欲候侍集無坐對時便陳當

今切事下救時弊上酌君恩臣之誓心爲日久矣陛下許
行則進不許則退進退之分斷之不疑敢於事前先此陳
啓况臣才本庸賤遭遇聖明天心自知不因人進擢居禁
署方以密謀恩獎太深讒謗並至雖內省行事無愧於集
愧心然上黷宸嚴一作聽合當死責豈意憐察曲賜安全集
蟻之生得到今集作自茲日超越流輩授以台衡拔於萬死之
中置集作致在九天集作震之上捫心揣已審分量恩陛下猶
不以衆人之心待臣臣豈敢以衆人之心事上皇天白日
實鑒臣心得獻前言雖死無恨無任感恩懇款屏營之至
謹奉表陳謝以聞臣某誠惶誠恐頓首頓首謹言

代王相公謝加門下侍郎表

昭宗

錢翊

臣某言昨蒙恩命授臣某官等者今日日已奉表陳讓跪
承批詔未賜允從方就日以傾心若履冰而舉足臣某中
謝臣立朝一作身守嗣莫繼前脩學古入官敢期高位伏遇
尊號皇帝陛下道惟樂育志在紹聞待河清而先靜化源
致俗阜而深探理窟當乙夜縱觀之後啓輔臣夢得之休
而遽以平衡授茲弱質頗乖庶政莫達大經何施作相之
才但累知臣之鑒厭兵而五兵尚在唯恐人殘祈穀而百
穀未升仍憂歲旱尋宜符罪已合避賢陛下慎以退人容
於竊位兼廻睿睠遽正台階進當浴鳳之榮更懼惟鶴之
刺况增封建俾重弼諧臣且自量則爲不稱是以陳辭瀝
懇冀動天心拜章而方謂可安捧詔而未嘗得請尚希終

牧渥澤遂寢典彜苟責實而有聞信假寵之非晚徇之公道寤主所圖受爵既多懼君恩之大盛省躬甚拙知官謗之必興負戴聖慈臣某無任感激兢悸之至

代崔相公謝加中書侍郎食邑表

昭宗

前人

臣某言伏奉今月某日制書授臣中書侍郎仍進封開國子加食邑二百戶者寵踰素分憂集微躬臣其中謝臣聞當可舉而後行則彜倫叙見有功而後進則勞臣勸如或行不可舉進不見功是謂謬恩實維一作難虛授臣學非練達質異溫良致身而敢望坐茵措手而寧期補交嘗塵侍從且昧論思既無酒誥之能莫並食時之敏忽蒙聖造遽委化權佐運行而不應中台論燮理而未周四序何言睿

澤曲被微臣纔叨正秩之榮兼進疏封之命戴恩無力臨

事知非將投盈篋之書寧用濟川之楫願廻玄鑒俯徇愚

衷致公器之無私在國章而克一作益重光昭一作克聖德復

戒貪夫仰望皇私臣某無任懇悃激切兢悸之至

代史館王相公謝加食邑實封表

昭宗

前人

臣某言伏奉今月某日恩制加臣食邑實封若干者充位代天無名益地祗膺茂寵併集百憂中謝臣聞賞以昭其功典以載其事是為重柄用合大經苟功不足昭事非可載濫承休命實累皇猷臣謬執化權無裨衮職徒見容於君父每受責於神靈頃者陛下薄符近藩復興否運寬仁屈已神武去邪敢有惑於羣謀實無渝於睿斷寰區之內

耳目同驚此非臣齷齪之心所能匡替重圖反國艱若設
都仗戎師以經營寄輔臣而鎮撫秦人載聚周廟克成千
門既啓於建章萬騎仍隨於司隸宸居復正懸法更高又
非蒙昧之才所能施展荷玄一作景 賦而寧參天力奉清光
而徒和山呼無補艱難方懷慙懼詎謂聖慈忽被異數仍
加賞優而欲舉何功典重而將言何事况乎真食尤曰寵
榮輕行於富庶之秋皆期必稱尚屬於艱難之日焉可非
宜伏冀聖慈必收殊渥臣其無任仰望逼切懇悃屏營之
至

代中書孫相公謝登庸表

前人

乾元二年

臣僿言伏奉今月某日制命授臣中書侍郎同中書門下

事章事者滄澤自天怔忡無地臣某中謝臣聞佐天子理
陰陽撫四夷遂萬物者宰相之職也然而能經國則可以
佐天子達化源即可以理陰陽善柔服可以撫四夷適方
圓可以遂萬物今臣才非經國智昧化源不知柔服之謀
未達方圓之道使之執政必致曠官伏惟皇帝陛下與天
同覆與日合明有言必訪於芻蕘有用必搜於林藪今者
初當出符且欲興戎脩至德以弭災動神機以伐叛復亨
否運昭告玄穹是宜慎擇賢良光輔睿哲臣志雖懋學器
異混成但爲章句之徒莫應權衡之任陛下明恩委照聖
鑑洞開拔於駁正之司置在仰成之地越諸彝典授以洪
鈞空驚行潦之流忽載大川之楫遭逢獨異寢寐終疑願

廻非次之榮且降可行之命立朝在野必有其人省已門
心莫知所措臣某無任感恩荷聖兢懼屏營之至

代陸相公謝再入表

昭宗

前人

光化二年

臣某言臣昨蒙恩制除授中書侍郎同中書門下平章事
今日面宣聖旨不令更有陳讓者臣聞虞舜成湯之爲君
也舉臯陶伊尹之賢處補衮宰衡之任不仁自遠大道甚
夷上可致君下可遂物相須之用古策具書獲彼寵靈再
當燮理仰成之重內省至難披肝鬲之所藏冀封章之可
達煩言無取睿睠莫廻親奉清光復傾冊懇讓不容於稽
首進何務以沃心臣誠憂誠感頓首頓首伏惟尊號皇帝
陛下濬哲守文高明立極廣好問則裕之美推任賢勿貳

之誠思舉直以化人待封比屋念偃兵而屈已欲拜昌言
是宜慎擇濟川博求在野並稷契之稱前代若姚宋之贊
本朝使竭謨猷以光輔弼臣器殊王佐質謝卿才常念立
身但希承嗣未曉必開之政合居不急之官雖臨事秉心
如秤敢期於輕重而自天率性佩弦亦戒於因循頃者徒
幸遭逢且乖斟酌旣塵公餼果驗素餐旋叨就列之榮每
荷匿瑕之道今者忽流露澤又執洪鈞信夢寢一作寐之難
期詎著龜之可卜頃雖當軸竊類代庖是非誠畏於人言
去就敢違於君命中台不耀先慙箕斗之光元首自明何
効股肱之力銜恩匪稱揣分彌憂詞不盡於抽毫淚空知
於承睫負戴聖造辭莫能揮臣某無任感激榮抃屏營之

至謹言

代史館王相公謝監脩國史監鉞使表

昭宗

前人乾寧四年

臣博言伏奉今月某日制書加授臣門下侍郎監脩國史
充諸道轉運鹽鐵等使者進當辨色動之書恩寵光忽降
於昭回循揣空知於殞越中謝臣聞可衛杜稷謂之大臣
有利國家是為公輔大臣所以能經濟公輔所以竭訃謨
儻昧於斯則同備位臣為儒孤陋守嗣凌遲既無稽古之
勤止望易農之仕安敢苟求進達濫買名聲但任顛愚獲
逢濬哲聯叨服冕遽至秉鈞而莫貢昌言多隳庶績復致
省方之難皆由失職之愆且合自拘敢期策免陛下克固

知臣之鑒每推責已之誠雖罷燹調猶當節制捧彤弓而
欲去尚抱憂心指金鉉以復留終迴宸睠輔相之委近代
所無不才何補於股肱有感徒深於骨髓伏遇陛下勃興
景祚丕變公朝掃蔽日之浮雲納投水之堅石應機之急
當佇不違從諫之明轉圜未速仰觀奮發實在斯須聖政
惟新墜章咸舉宜求耆碩共致承平今臣曲被睿慈仍加
霈澤黃樞正秩青史專脩兼司運漕之權俾集牢籠之利
屏躬承命俛首退思固合避賢唯憂致寇保其終始賜以
安全陛下且許乞骸入令覆餗徇公為理擇善任人幸非
伯石一作安石非之情敢待召平之說且移盛寵別授通材顧
叶澄清仍資庶富而近臣遽降一作近聖旨重臨難陳固

文苑英華 卷八十五 文苑

讓之辭唯勵恪居之志雖多言可畏重絀績而有所不聞
而內省堪憂補玄衮而何能自効臣某無任荷恩榮耀兢
戴怔忡之至

文苑英華卷第五百八十一

文苑英華卷第五百八十三

表三十一

宰相雜謝

爲宰相謝至尊爲蒼生祈福表一首

爲李右相謝上上考表一首

爲宰相謝賜竹扇表一首

爲趙公謝賜金石凌表一首

爲盧相公謝恩并謝罷官養疾表一首

代賈相公謝賜馬及銀器錦綵等表一首

代武相公謝槍旗器甲鞍馬表一首

代武相公謝借飛龍馬表一首

代鄭相公謝賜戟表一首

代集賢崔相公謝賜官誥表三首

代宰相謝宣示白野鵲表一首

代宰相謝宣示白雀白鸚鵡表一首

代宰相謝賜布帛表一首

代宰相謝降朱書御札表一首

代史館王相公謝令樞密使宣諭奸邪表一首

為宰相謝至尊為蒼生祈福表

玄宗

孫逖

臣等伏見太常寺祝王與奏陛下自臨御以來未嘗不四更已後夙興盥漱為蒼生祈福每遣公卿方士巡祭川岳祝文虔誠御札親署曾無一字自為聖躬伏請自今以後聖心徇物俯垂矜允下情獲展品物同歡伏以虞后浚明

恒聞恭已周王盱食亦謂憂人未有精意妙門勤祈道勞聖躬於夙夜移景福於蒼生遂以為常久而無倦肇自開闢未嘗覩聞雖覆燾之恩豈求報於芻狗而生成之類願効祝於封人天聽不違民心載悅况在臣等特荷殊私莫測神功空慙帝力無任忻慶之至謹奉表陳謝以聞

為李右相謝上上考表

前人

臣今日伏奉恩旨垂賜上上考并辭捧讀兢惶戰汗交集臣謬以庸薄久塵樞近承奉明命述宣聖謨罪戾猶多涓埃何補豈晤天心善誘宸眷殊常垂翦拂於德音踰涯越分降恩私於考績超等邁倫雖承含垢之慈終多覆餗之懼無任慙悚之至

爲宰相謝竹扇表

前人

高力士至奉宣恩制各賜臣等竹扇及聖贊疑作以器

用俯矜於煩暑博以文章更垂於光拂殊私備及自昔未

聞臣等輕生謬膺大任雖罄心勵節徒有慕於脩篁而淺

謝疑作薄材何足當於睿藻外榮天錫內愧御題善誘之

恩則深負乘之責彌懼何以對越休命奉揚玄風捧對兢

惶罔知攸措不勝感戴之至謹奉表陳謝以聞

爲趙公謝賜金石凌表

權德輿

臣憬言伏奉恩勅賜臣金石凌并方及服法并金花銀合

一又賜臣蘇膏方及眼赤有瘡方其方皇太子書者鴻私

榮况特發天心受恩拜賜慙慙交集中謝臣聞台司之任

茂遂羣生而攝衛乖宜自貽病疾理身未暇賦政何堪豈

謂上簡宸衷下矜賤質御方靈藥稠疊寵光劑和至精減

聖躬所服翰墨玄妙降皇儲之書仰光輝而陋目增明承

渥澤而沉疴自愈致金石之固通性命之和保持誨諭曲

盡慈旨蠲其煩滯授以康寧省已何功害盈知懼伏惟陛

下宣布大和則時無疵癘懋建大中則物以阜安生及昌

期自登壽域况臣劣薄待罪樞衡感平施而已深荷殊榮

而難報雖陰陽不測犬馬之疾頓瘳而日月無私螢燭之

光何補生成覆露皆稟睿慈竭力致命豈申愚效無任感

恩惶懼之至謹具表陳謝以聞

爲盧相公謝恩并請罷官養疾表

德宗

高郢

臣邁言今月十四日以在假百日進狀上聞某日中使某奉宣進止令臣在家將養損日朝叅者力疾受恩慙懼交集中謝臣病滿百日法當罷免恩自九天優以賜告伏念手足餘疾運用未平風毒常作療除多乂臣今若卧叨厚祿坐待全療豈惟日月易淹實亦恩私過幸且台輔爲任周行所瞻臣匪服以居既貽官謗沉痾不退又廢公法夙夜循省心愧靡寧雖宸慈曲臨有所不忍而王道平施則惟無私臣旣內懷尸曠之慙外迫支體之慮竊恐所攻非一望損彌遠徒闕遵常之典增延憫下之仁如蒙特恩俯遂微懇得從解綬專一就醫則冀形蒐兩安物議皆息全度之澤於此爲深無任感恩之至謹奉表陳謝以聞

代賈相公謝賜馬及銀器錦彩等表 權德輿

臣耽言今日中使某奉宣進止以臣所進關內隴右圖錄十卷特賜馬一匹并銀瓶盤等若干事錦彩等若干疋者承命抃舞震驚失圖伏以聖朝覆幬無私聲教遠被雖夏書禹貢周制職方重譯所通未若今日臣以末學舊奉昌期常好地理之書頗知河湟之事明徵舊史傳考傳集作前聞夙夜以思歲時遂久紀諸文字續以丹青上塵聖聰庶備方志豈謂睿慈弘獎寵賚特深出珍華於內府下駟駿於天廐恩榮所及煥麗相輝循顧庸虛曲承蕃錫負乘匪服併切於今無任瞻恩荷戴之至謹奉表陳謝以聞貞元十四

年九月

代武相公謝槍旗器甲鞍馬表 呂溫

臣元衡言今日中使某乙至臣宅奉宣聖旨賜臣槍旗器
甲鞍馬并錦彩等禮殊其數物備其容肅以將威燠以昭
寵雲澤濡體天光照門抃駭失圖兢惶罔據臣某誠荷誠
感頓首頓首臣才無可取進不因人陛下憐其小心知其
盡節特紆宸眷謬委台司匡補之益無聞將明之効靡著
方俟嚴譴集作蒙忽被殊恩寄重西南任兼中外封開太郡
秩正黃樞登壇於六符之階被袞為三軍之帥今古盛典
盡在茲日人臣寵貴併集作舉集微躬豈臣孱庸所克負荷
非臣殞越所能上報重錦名馬玄甲朱旗王事靡盬儼有
行色天顏咫尺忽當遠離感戀彷徨拜受涕泣集作明拆衝

分闔媿非式遏之才榮耀一作耀自天猥辱專征之賜無任
感恩激切之至謹奉表陳謝以聞

代武相公謝借飛龍馬表 前人

臣元衡言伏蒙聖慈借飛龍馬若干匹至京兆府界首者

臣謬處台司將明薄集作無効自忝方任恩禮特加獎諭綢

繆寵錫輝煥寒衣病藥悉出聖慈匹馬一人咸經御選遠

覽圖史近徵耳目如臣蒙幸未見其倫實有何功敢當斯

遇盡節竭誠在臣子之本分殺身致命報君親之常道竟

將何力上答殊私空保丹誠以致灰粉王程靡處天駟言

旋仰服阜之有期恨違顏之方始精蒐自越顧步莫留權

竒之姿向雲闕以驤首集作獨去悃欵之戀與星影而共馳瞻

望天庭罔知所措無任感戴彷徨之至謹奉表陳謝以聞

代鄭相公謝賜戟表見六百一十八卷

前人

代集賢崔相公謝賜官誥表

錢珣

臣某言伏蒙聖慈賜臣某階某官食邑若干戶官誥一通者臣其中謝臣伏以周官所建冢宰是先進階陛之名增并賦以數重在彝典合為渥恩冒寵以來偷安而處不能退讓方懼滿盈詎謂陛下每顧舊章必加優禮雅誥既垂於綸綍侍臣忽降於宮闈五彩相鮮且成文於潤飭萬鈞比重幾無力以捧持聚族咸觀省躬何稱遭遇莫酌於君父寶藏空戒於子孫竊視權衡惟思砥礪臣某無任感恩荷聖激切惶越之至

同前

前人

臣某言今月某日賜臣某官誥一通者臣某中謝臣敢謂皇慈仍加霈澤固讓而丹誠莫遂退思而道寧酌今者特降近臣一作異思遽臨私室琅函乍啓捧持空耀於微躬寶軸載觀燦爛仍驚於衆目榮光併集舒卷不遑難勝黼黻之文何補燮調之任唯當千慮以荷一作濟萬機見可而進之謀知無不為之力用禪至理庶奉休期仰戴聖慈臣某無任省已感恩之至

同前

前人

臣某言臣先蒙恩命授集賢殿大學士今月某日中使至忽承霈澤降自重霄再披五色之文若戴千鈞之重臣某

中謝伏惟尊號皇帝陛下求衣待旦側席視朝方致理於
雍熙每仰成於輔相臣自慚竊位唯懼曠官未獲避賢何
堪假寵爰驚瑣質更被鴻私提玉鉉於中台已憂公餗總
石渠之秘署兼及一作集羣才當文德之大朝實名儒之大
任今者遽頒雅誥益示皇慈兼命王人且臨私第琅函乍
啓光凝紫府之烟寶軸潛舒潤帶金盤之露空知焜耀無
報睿明臣某無任荷聖感恩兢懼之至

代宰相謝示白野鵲表

前人

臣某等言今月某日高品張師道至奉宣聖旨示臣等涇
州所進白野鵲者臣聞白爲正色鵲實靈禽在五行而賦
稟金精於衆鳥而有殊羽族臣某中謝伏惟尊號皇帝陛下

下應上天之道必順五行遂萬物之情非徒衆鳥宜獲降
祥之類以昭致理之心是以素翼流光丹眸耀衆俄呈瑞
質能弄好音應圖謀以自來詎網羅之所得諸侯入獻史
氏明書寧同集樹之鳥堪並紀年之雀方開景運實契禎
符臣某等謬贊皇猷竊觀神貺無任賀聖歡抃之至

代宰相宣示白鵲白鸚鵡表

前人

臣某等言今月某日高品張徒一作從羽至奉宣聖旨示臣
某物者至化無私殊祥畢萃旣光史策允叶元符臣某中
謝伏以西方主白金氣應秋故靈禽類見於塞垣玄貺實
招於人事遂使載飛之類皆呈受彩之姿以物窺天知天
感聖犬戎柔服必無犯於西方禾黍豐登將有成於金象

一作假慈毛羽降彼藩隅既來獻於帝居獲同觀於公府
何能翼戴徒荷休明臣等無任舞詠聳抃之至

代宰相謝賜布帛表

前人

臣某言今月某日中使某至奉宣聖旨賜臣布一千疋絹
二千疋者臣某誠哀誠感頓首頓首臣災集衰門禍貽諸
父執禮既循於經典成喪將服於冠裳何言臣子之情必
軫君親之念近効承命飛星忽降於重霄寵數有章束帛
載頒於內府哀榮曲被跪受難勝上感聖慈臣無任涕泣
惶越之至

代宰相謝降朱書御札表

前人

臣某言今月某日中使某至奉宣聖旨頒示御札以貶黜

飛道古事更令申誥中外者聖旨昭垂羣情胥悅臣某中

謝臣伏念元和

一作

年一作吏部侍郎韓愈因陳佛骨遂拜封

章以爲前古奉佛帝王年代尤促憲宗以人臣去就乖忤
非輕震怒所臨遂竄荒裔憲宗英主韓愈名臣典記可行
事無不順今張道古狂愚一作所獻斥犯非常凡曰在庭
皆知難恕深弘睿哲且欲含容雖匿瑕之道則然於犯上
之名斯重臣等請行譴逐陛下尚顧物情宸翰所臨皇言
曲被盡賀爲君之盛咸知六德之能捧戴聖慈如親丹扆
臣某等無任銘篆兢越榮感之至

代史館王相公謝令樞密使宣諭奸邪表

臣某等言臣嘗讀漢史竊見上官桀桑弘羊皆惡霍光之

惠於王室也欲奪其權遂詐爲燕王上書言光將有非常
之變而昭帝知其詭詐欲害賢良顯發怒言保明元輔識
者以爲漢昭之聰睿遠過周成臣等每閱其書實感其事
以爲後代不復有之今日某日獲延英奏事親奉聖言且
以陛下深懼艱屯欲清教化寤亂階於前事窮蠹本於小
人旣以一作誅鋤方期屏絕而常有技術賤微之輩班行
險躁之徒潛結詭謀輒投邪隙且相援引遂有譖傷間謀
滋深根株甚鉅而聖心不動睿鑒有融盡辨讒諛靡容交
亂致臣於不疑之地知彼有禍人之心且赫揚於斯必令
懲革覲於左右未杜奸邪臣等且懼且驚載思載感還至
公府未知所安樞密使某等又至中書備傳睿旨伏知是

李遂劉達等共謀推薦李恣秉政因此大惑天聽君臣之
所難聞乾坤之所共棄有李遂之奏肆志巧言而陛下不
以爲疑抵以爲恕凡所布諭必盡洪纖某等復宣陛下之
言不惟保任臣等兼欲擊斷此輩彰明我心臣等稟命而
思激情以泣自有邦國誰一作無君臣今此讒邪忍施陷
竅密構於一夫之口何術可知潛行於萬乘之前何人敢
辨雖陛下察之不惑隱之不言有此釁端加於輔相臣之
寤寐將至驚狂一旦親奉堯言俾行漢律使罪人斯得餘
纜一作除讒自安復使微臣必無他慮食馱馱者未足爲德喻
媒蘖者未足爲辭李遂輩擠臣於不測之谿陛下賜臣以
援溺之手誣臣以難明之罪陛下諭臣以必信之言彼昭

帝之時漢家方盛霍光之辨且有詐書今李遂得於艱否
一作告之朝進傾危之計宸聰之外孰可得聞一作則臣等
塗汗一浸江漢難濯歿為野上誰為叫闈不有睿明焉知
昭釋感入骨髓誓諸神祇千拜首以何為一剖心而始足
惟當竭誠啓沃戮力弼諧盡毀家紓難之謀繼圖國忘身
之策尚疑丹悃未答皇私荷聖感恩臣等無任抃蹈兢慄
涕泣屏營之至

文苑英華卷第五百八十二

文苑英華卷第五百八十四

表三十二

藩鎮謝官一

藩鎮謝官表四卷英華所編失年代先後今正之

為西川崔僕射謝却赴劍南表一首

為夔州栢都督謝上表一首

為崔鄴公謝除鳳翔節度使表一首

謝除浙西節度使表一首

代郭子儀謝副元帥河中節度使表一首

代郭子儀謝兼河東節度使表一首

為陳大夫謝上淮節鎮表一首

湖南觀察使謝上表一首

為荆南節度使謝恩表一首

為鄭儋尚書謝河東節度使表一首

為裴相公謝淮西節度使表一首

為馬惣尚書謝除彰義軍節度使表一首

河南節度使謝上表一首

謝除宣歙觀察使表一首

為昭義王大夫謝知節度觀察等使表一首

為安平公謝除衮海觀察表一首

為西川崔僕射謝却赴劔南表

臣某言自中使馬承倩送臣却至所部漢州廻監軍中使孟遊仙等續發比面拜天南旋舊鎮望九門而彌遠顧三蜀而何情如丹之心具列前表庶明臣子之分以期君父

之知臣某謝中臣四度興師每冬獻捷願將邊事親達宸聰

比恐三軍阻臣行計潛裝密辦亦既經年上都贏糧傍路

支費事皆前定誓衆遂行日望京關一作天威咫尺豈知

時乖運末屬彼外虞微發之期指縱又切進退難處彷徨

以還有心未明有口猶閉昔隨之耻空思於堯舜戀生之

誠陪慙於大馬臣知衙一作事官王所傳選自經驅使積

有歲時言行一作惟一作為一作臣腹心當今切務具如別

狀悉令密啓遠達由裏伏乞聖慈俯廻神鑒仍賜容納許

以畢辭天下幸甚天下幸甚其有不載文墨更令附口奏

聞皆是剗心所陳豈為憶一作中之說倘可裨補雖死猶

生區區赤實敢希萬一臣以今月某日却至成都乞整齊

戎事即赴行營兩藩動靜續冀聞奏衆星微象長拱北辰
勺水細流盡朝東海惟臣不及飲恨何言無任感戀屏營
之至謹奉表陳謝以聞

爲夔州

集作府

栢都督謝上表

臣某言伏奉今月某日制授臣某官臣祗拜休命內顧殞
越策駑馬之力冒累踐之寵自數勛力萬無一稱再三怵
惕汗流至踵謹以某月日到任上訖臣某誠戰誠懼頓首
頓首死罪死罪伏惟陛下以君父任使之義掩臣子不逮
之過就其小效復分深憂察臣劔南區區恐失臣節如彼
加臣頓煩階級鎮守要衝如此勉勵疲鈍仗揚陛下之聖
德愛惜陛下之百姓先之以簡易間之以樂業均之以賦

歛終之以惇勸然後畢禁將士之暴弘洽主客之宜示以
刑典難犯之科寬以困窮計無所出哀今之人庶古之道
內救俾獨外攘師寇上報君父曲盡庸拙之分下循臣子
勤補失墜之日灰粉骸骨以備守官伏惟恩慈胡忍容易
愚臣之願也明主之望也限以所領未遑言集作謂對無任
兢灼之極謹遣某官奉表馳集作陳謝以聞

爲崔鄴公謝除鳳翔節度使表

臣某言伏奉去年二十八日恩制加臣鳳翔尹仍克本府
及秦隴等州節度觀察使伏以才淺過深者敗公之本力
微任重者職禍之由况鳳翔天京四方取則使增廉問千
里準繩苟非其人是速官謗前已再三懇讓實冀陛下矜

臣不逮察臣無能忝侍朝廷獲保衰朽豈意堯曠下屬舜澤旁流存降殊恩不許固讓恭承寵命感懼交懷臣某謝伏惟陛下德耀三光勲崇萬古彝倫式序庶績其凝臣本愚才素乏籌畧謬膺任使累踐殊班顧無毫髮之功叨預丘山之寄今鳳翔近甸秦隴雄藩北有党項之虞西有羗渾之患或阻絕我道路或侵軼我封疆王師出征則烏散山谷官軍罷討則雨集郊圻臣雖不才庶竭孱懦必將勸分務穡訓卒利兵勦除凶殘式遏寇讐使黎元無俶擾之患里閭無暴殄之災下傾百慮之愚上補萬分之一臣無任

謝浙西節度使表 肅宗

顏真卿

臣真卿言伏奉六月九日恩制以臣爲昇州刺史克浙西節度使兼江寧軍使聖德含弘不遺簪履拾其罪戾假以麾幢感戴恩榮死生知報臣某謝臣以爲全吳舊國分閩重權煮東海以自資塹西河而作固九州天險之地六代帝王之都是以魏文興嗟甘從南北之限符堅恃衆集作怙爰喪百萬之師豈不以形勝是先腹心斯切親賢重寄鎮遏攸難矧在庸微寧堪及此是以拜命之日以榮爲憂割書以今月四日至饒州臣以今日發赴本道取都統節度觀察使李坦颺分訖即赴昇州即當繕修甲兵撫循將士觀察要害以備不虞假陛下英武之威遵陛下聖集作平明之理一心戮力上答天慈伏惟陛下察臣愚衷集作忠則死

且不朽無任感戴屏營之至

代郭子儀謝副元帥河中節度使表 代宗

邵說廣隆元年

臣某言伏奉今日日割授臣河東副元帥河中節度使寄
深匡輔任切安危寵命端臨憂惶如灼臣某中謝臣智術凡
淺才畧無聞承日月之光偶風雲之會自奉先帝徇以驅
馳被甲即戎載惟寒暑比憑朝筭克振天聲雖毫髮之功
曾無足紀竟不能掃蕩妖孽使八方攸同謬踐中樞仍叨
上將分茅錫土榮貫一時悽悽之誠竊自增愧今又猥蒙
驅策出鎮河中授臣以連帥之權委臣以專征之務雖才
輕方邵而任比桓文此陛下除奸之時乃微臣死難之日
竊觀自古忠義之士莫不扶危救禍憂國忘家雖在暮年
猶思報主則庶頗強飯馬接據鞍以臣方之有甚前哲軍
國重事不敢固辭誓竭股肱之力以副腹心之寄倘皇猷
獲展寇難克平殞身戎行實無所恨無任感恩

代郭子儀謝兼河東節度使表 前人

臣某言今日日奉伏恩制授臣使持節都督雲州一作中

諸軍事兼雲州太守克河東節度支營田大使大同軍使
管内採訪使祇拜休命內掃簿才委任尊崇周章失據一作

周張靡據臣某中謝臣聞邊之安危係於所用事之成敗諒在先
謀故寸璧必求良工尺錦亦資善製况夫謀無智勇備列

戎旃自守封疆頗淹歲序肅將朝筭一作命剪滅兇徒此乃

天功匪惟臣力陛下不遺犬馬念以驅馳收其分寸之勞
 加以丘山之賞禮因位重恩與日深長恐顛危不克負荷
 所以非有疑陳讓乞停范陽而手詔曲一作榮垂不蒙允許
 退就私室竊愧明時素食之詩自臣攸作今又更承獎命
 兼以河東邊境相連三千餘里烽燧列警斥埃須明雖則
 居安一作安寧終資有備以臣獨制謂必無失然以能颺一事
 身任一官猶擇其人且懼曠職况臣旁縮三節控帶數藩
 智有所不周心有所不及兵權倘失奔駟寧追實慮授受
 乖宜簡書是畏望特矜臣不逮察臣愚謏更選良能付以
 旄鉞則樵夫絕議官序有倫臣無任

為陳大夫謝上淮南節鎮表 代宗 劉太真 太歷八年

臣某言今月二十日中使輔懷恩送告身至伏見一作恩

制特加臣銀青光祿大夫揚州大都督長史充淮南節度

使仍封潁川縣開國子一作男食邑五百戶省臣以駑駘賤

質葵藿愚誠謬荷深一作殊恩頻膺重寄一作移日月私照兩

露曲霑負戴不任兢惶失措臣某中臣自遠辭天闕恭守

海隅思陛下臨御之勤竊整愚衷蹇拙之分所恨智慮不

及績用無成一作罕豈望陛下知懇款之不渝將纖毫而見

擢特超階序俾易旄旒錫以開國之封授以臨戎之節由

江南一作浙之遠鎮踐淮表之名藩且地在要衝職名一作居

分閩副茲統理豈易其人臣亦何功忽當此任仰膺休命

難叨覆載之榮伏省微躬實積負乘之懼臣即以今月二

十五日發赴揚州其浙東使事已差觀察使殿中侍御史盧翰權知留後無任感戴戰越之至

一作皆唐類表

湖南觀察使謝上表

王仲舒

臣某言臣以某月日到本部上訖榮如夢中不敢自信臣某誠懼誠懼頓首頓首臣頃備位省官孤特無與自堅內志不近權門逞憾者以陰計中臣伺其煎沛而臣位從懼進身自危安陛下之保臣也陛下開張至道以福群生長人之吏必以歲久課其能否定為差等一作特疑作著令無倖人獨臣領常州一年超居近地陛下之私臣也臣當此時不能稱揚隱晦以納聖聰一作聰論列奇計以靖封畧使下有勝臣而未用者邊有戰聚而偷生者是臣首陛下之知

也况今方隅之任得其人則聖慮安失其才則衆情苦斯位不細惟賢者宜之臣前宮已曠後恩逾重公議難追殞越是憂謹當日用皇慈下求利病鎮浮惰之俗杜奸邪之萌冀其小康上簡天府臣之心也敢有二事不勝感恩戀闕之至

一作皆唐類表

為荆南節度使謝恩表

前人

臣某言中使某至奉三月二十五日勅除臣江陵尹兼御史大夫荆南節度觀察處置等使者如綸炳然中天而下伏讀惶駭不知所裁臣某誠懼誠恐頓首頓首臣既無老謀又無壯事塵玷重位前後六年將陛下覆幬之仁煦嫗羣物所至之土方獲小安如日照臨人共知見敢盜以為

已功况文昌六星將帥為首非全才碩德類表作書未嘗苟居

陛下睿慮神行雄威電斷將付斯任充精其人過量之榮

臣獨虛授類表作臣實虛授若在夢寐不敢自期即以今日祇命

上道臣團練判官太子舍人兼侍御史楊洽類表作楊怡久更

吏塗兼練戎事謹差專領留務待李衡交割不勝感恩忻

躍之至謹奉表陳謝以聞

為鄭儋尚書謝河東節度使表德宗令狐楚貞元六年

臣某言衙官竇及迴伏奉十月二十九詔書授臣朝散大

夫檢校工部尚書兼御史大夫太原尹北都留守充河東

節度度支營田觀察處置等使勲賜如故者寵章明命忽

降自天捧受兢惶不知所措臣某中謝性稟本一作愚懦才性

薄劣居常勵已進匪因人心無所營宦不期達伏蒙陛下

勞羅俊又登用賢良擢臣於博士之中授臣以良史之任

其後驟昇郎署猥在朝行塵忝日深光耀隆一作輝已極徒恩

報効未有因緣旋屬邊上選能軍中乏使特蒙宸眷遣佐

兵符空知徇公無以稱職望帝城而積戀條已四年馳戎

幕而懷憂若臨千仞本使李說膏嬰疾苦奄從薨逝伏以

天威遠被廟畧克成將士等盡忠義之心竭恭敬之力保

完府庫鎮定城池奸宄不生三軍如一軍一作監使李輔光

器能周敏智識通明與臣同心祇奉王事豈意殊常渥澤

忽出於宸中不次榮名併加於朽一作賤質仰承雨露使一作

便在雲霄跼影兢覓心驚股戰進非所據懼不自勝臣伏

以太原守在北門地方千里豐沛故壤陶唐遺人合求勲

賢膺此委用如臣山東弱植海內散材非卻穀禮樂之資

無翁歸文武之用將何以佩六官之印綬平三府之憲章

節御一作制萬人典司百事天庭高邈陳讓無由感恩而涕

下霑襟一作袍忍愧而汗流浹背謹以三日上訖敷陳一作演

天意叶暢軍情綸言一宣列校相慶臣誓當恭承睿筭虔

奉聖慈以安人和衆為心用報國忘家為志冀伸分十土

答聖明所守有限不獲陳謝臣無任感戴屏營之至一作皆唐

表類

為裴相公謝淮西節度使表

憲宗

馮宿

元和十二年

臣度言伏奉去年七月二十七一作五日制書除臣門下侍

郎同中書門下平章事充淮西節度觀察處置等使蔡州

刺史并淮西宣慰處置等使緣逆賊吳元濟尚拒王師遂

於郟城縣權為理所臣篤勵群師潛設多方傾其重兵頓

在洹曲今月十七日唐鄧節度使李勣承虛直進生致元

亮臣與賈柵三營諸軍便降洹曲三萬餘衆積年逋寇翌

日殄除淮右千里通行無礙臣以二十五日領所部兵馬

及歸順將士至蔡州上訖豺豕舊冗迎風而汛掃鳩臬故

林應節而黃洛瞽瞍者咸觀堯日皤皤者重識漢儀臣以

不才猥當重寄力一作下排苟且之議上贊聖明之心不敢

偷安廟堂遂期親臨疆場陛下初猶未一作不許微臣亟請

是行睿旨丁寧寵光照耀臣中心自警畢命無憾若不成

事必當死綏伏賴神道惡盈罪人斯得而今而後方保餘
生就天地削平之功貽策書不朽之美是使懦夫增氣獷
俗剗心方偃武以脩文故斃勞而永逸臣謹敷揚帝澤宣
布國章滌其瑕疵衣以襦袴俾斯汚俗咸若新邦底寧但
以才一作其之折衝任兼中外摩頂至踵諒無非其溥恩知
臣者君庶不辱於玄鑒無任感激忻喜之至其承薦人自
代具於別狀

為馬摠尚書謝除彰義節度使表

憲宗

前人

臣某言臣今月某日中使某至伏奉九日制書除臣工部
尚書兼御史大夫充彰義軍節度觀察處置等使并賜官
告一通旌節一副及手詔等兩露恩覃霑霑易及丘山施

重負乘難勝臣某

謝中

伏惟睿聖文武皇帝陛下文教暢三

台武功加四海最爾淮寇久稽靈誅蓋懷捨服之心不以

虔劉為事既已統之上將撫以中台臣實妄庸獲克貳職

誠無裨補亦備沾危頃來面辭密奉天旨以為此道必付

微臣蒼黃受恩電俛從事幸擒元惡曾未踰時果復聖言

遽承寵命彩章五色虔奉電書賞罰二權猥操兵柄鴻私

荐及蚤力何堪即以今月上訖臣伏聞師之所處荆棘生

焉今管内數州凋殘極矣遍郊骸骨比屋瘡痍諸富扇以

皇風施之帝澤俾汗浴遷善頑人嚮方知無不為敢竭微

志事有未便即當上聞徒以跡遠闕庭戀深卑棧鑿門授

鉞空愧于茲執贄奉璋未知何日臣無任

河陽節度使謝上表 憲宗

令孤楚 元和十三年

臣某言伏奉前月二十七日詔旨授臣朝議郎使持節懷

州諸軍事守懷州刺史御史大夫克河陽三城懷州節度

使寵任非常忝營失次已再奉表陳謝訖臣某 謝中 臣器質

庸懦材能駑下文詞小枝不足飾身軍旅大權未嘗措意

頃者叨居近密親事聖明選擢 一作皆 出於宸衷遭逢似

一作自 又作偶 協於昌運進每憂國退常樂天曾不知操舟者忌

臣及津執轡者畏臣先路雖皎皎下燭見一心之無瑕而

營營謗興翦十手以相指去秋方半已出嚴扃今夏正中

人離禁掖伏惟睿聖文武皇帝陛下恩深君父德厚乾坤

闕棄席之恩軫遺簪之念微臣自臨關輔恭守章程非官

辦而政成幸人安而事集既無罪悔亦望歸還豈意便是

疆場 一作壇場 超授鈇鉞再麾飄飄而出手十乘隱麟以啓行

荷委寄而誠深若離違之稍遠就日積戀瞻天靡遑拂儒

冠以自驚對朝服而增歎 一作歎 以今日十四日到本鎮上

訖伏以郡稱河內山倚太行古為雄藩今號要地但緣瘡

痍未復杼軸已空力欲輯綏曷由振舉謹當拊循羸卒字

育疲眊橫征擅賦誓不為 一作行 峻法嚴科議不用與之休

息使得便安以此執心期於報德前臨河 一作濟 瀆羨朝宗

而指期仰觀衆星俟 一作恩 拱辰而何日所守有限不獲指

闕辭讓無任感激 一作恩 攀戀涕咽之至 一作皆 唐類表

謝徐宣歙觀察使表 穆宗 前人 元和十五年

臣某言伏奉今日制書授臣宣州刺史兼御史大夫克
宣歙池等州觀察處置等使者命自類表九重恩加一介
兢惶感惕無地自容臣某中謝臣本以凡才從來孤立謬居
要地常積憂危頃者陛下嚴奉園陵孝思弓劍微臣職當
營護理合勵精而昧於隄防誤有任使既招牒訴合抵憲
章豈意類表陛下恩過生成念深簪履寬朝廷之典制委
藩鎮之賦輿飛魂再還戰汗交集誓當飲水食蘖鏤骨銘
肌冀申絲髮之効上報乾坤之德不勝感恩惶恐屏營之
至

為昭義王大夫謝知節度觀察等留後表 前人

臣某言中使第五守進至奉宣勅旨擢臣知節度觀察等

留後臣即以今月十八日上訖非常之命降自宸衷不

之恩猥加賤質奉戴兢惕罔知所圖臣某中謝臣內顧尋庸

素無器業量力揣分委質戎行身居將列朝絕親授不識

公卿之第粗聞宰輔之名雖學孫吳未知七德之要嘗師

顏閔不究六經之旨愚惟守直訥未近仁遠瞻等夷每愧

劣薄苟求寡過之地竊慕事君之道束髮筮仕逢盛時以

自怡執心許國遇暗室而增懼臣之愚素敢忘恩榮頃以

陪臣獲隨覲見北辭瑤陛瞻覩天顏遂因頒慶竊膺寵錫

自謂生足榮矣死無恨矣豈意聖慈煥發睿獎曲成拔自

轅門寄之藩閩泊天心特達因屈朝章而人望乖疎必速

官謗內念惶灼浩無津涯且上黨重鎮赤狄遺人師旅荐

與風俗難理猛則生怨寬不知恩隣接強暴地當關塞加
之以仍歲災沴不足以兩稅徵科軍政稍乖壓覆是懼臣
雖竭股肱之力瀝肝膽之誠不知何以上答乾坤少裨塵
露云

爲安平公謝除充海觀察使表 李商隱

臣某言今月某日中使王仕岌至奉宣恩旨改授臣某官
并賜臣前件告身一通者寵命天臨恩光春煦兢惶無措
抃蹈失容臣某中謝臣幸逢昭代本自諸生文以飾身學實
爲已寧韞玉而待賈竊連雍瓦以私勞春園再中於明經天
官一昇於判第階級甚薄際會則多芸閣讎書藍田集作
作史中間因依知己契濶從軍其後超屬憲司驟登郎署

埋輪而出高懸

集作

八使之威起草以居遠謝三臺之妙

每含香而自歎常樸被而待命

一作

伏惟皇帝陛下陶鈞

庶彙亭毒萬方憂心同堯好諫若禹東掖垣內封章何有

於日聞青鎖門前列位徒參於夕拜擺波濤而鯢鱗纒變

望煙霄而鸞翮初高誓將竭誠非敢仰望然虛受難處忝

擷非安忽擁隼旟竟辭龍闕猶賴雲日未遠闕城不遙度

奉國章粗免官謗豈意便昇亞相之重

集作

秩復委大藩

之廉問魚牋帝語象軸神工拜受而若捧千鈞伏讀而如


聽九奏誠雖深於負荷戀實切於違離況曲阜遺封導河

舊壤列九州之數帶五嶽之雄古爲詩書俎豆之鄉今兼

魚鹽兵革之地訓整合資於武幹拊循宜屬於柔良豈伊

孱微堪此委寄謹當冰霜勵志金石貫誠駑馬奮十駕之
勤鉛刀淬一割之用即以今月二日雪泣西拜星馳東下
京城思入雖有類於陳咸關外耻居安敢同於揚僕無任
瞻天戀闕之至謹附中使某奉表陳謝以聞

文苑英華卷第五百八十四



此書... 入... 用... 以... 合... 使... 本...

